

IMAQARNILIAQ Kommunalbestyrelsi Tamanna pivoq. 22-02-2022

Ulloq ataatsimiiffissaq Tirsdag Tamanna pivoq. 22. februar 2022 kl. 16:00

Ataatsimiiffissaq Kommunalbestyrelsip ataatsimiittarfiani / Oqarasuaatikkut

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Aaqqissuussaanermut Ineriartortitsinermullu immikkoortorta qarfimmit ilisimatitsissut.....	6
Paamiuni meeqqeriviup matoqqatinneqarallarnerrata sivitsorneqarnissaa.....	9
MISI-p suleriaasii nutaat pillugit ilisimatitsissut.....	11
Kitaani Nuummilu 2021-imut angerlarsimaffimmi paarsisartunik nakkutilliineq.....	13
Kommunimut pilersaarummut tapiliussamut siunnersuut 1C30-4 Tuujuk, Nuuk.....	15
Kommunimut pilersaarummut tapiliussassatut siunnersuut 2A3, Manngua, Nuuk.....	17
Attartortut tamarmik Ineqarneq pillugu naammagittaalliuuteqartarfimmut naammagittaalliuuteqarsi	20
Kapisilinni Nuna eqqissisimatitaa.....	24
Kommuneqarfik Sermersuumi pisinnaatitsissutini atsiorsinnaatitaanernillu agguataarineq.....	26
Kiffartuussinerimi isumaqatigiissut DEG (Destination East Greenlandip).....	28
Ukiumoortumik naatsorsuutit 2020 – Naatsorsuutit inaarneqarneri kukkunersuisut oqaaseqaataanni	31
Tunami nunaqarfinni neqeroorutip, angerlarsimaffimmi paarsisarnermut aaqqissuussinerit, allanng	34
Inissianik ineriartortitsinissaq, Ningitsivik, Nuuk.....	37
Qeqertarsuatsiaani aalisakkanut fabrikkiliornissaq.....	39
Kommunimut pilersaarummut tapiliussap 3A8-4 Iminaq, Nuuk inaarutaasumik aalajangiiffineqarn	42
Suliassa qarfinnik allanngortiterinissaq aammalu kommunip politikkikkut pingaartitaanik sukannerr	45
Innarluutillit inissaannik sanasoqarnissaanik siunnersuut.....	48
Tasiilap nunaqarfigisaanni illut imermik kuuffissaqalernissaannik pilersaarusiortoqarnissaanik siun	50
Lukket.....	52
Lukket.....	52
Lukket.....	52
Lukket.....	52
Lukket.....	52
Lukket.....	52
Imaqarniliap akuerineqarnera.....	52

Ilaasortat

Charlotte Ludvigsen (IA)
Juaaka Lyberth (IA)
Uju Petersen (IA)
Avaaraq S. Olsen (IA)
Inge Olsvig Brandt (IA)
Naya-Sophia Lyberth (IA)
Mia Skifte Lynge (IA)
Lone Rosengreen Pedersen (IA)
Harald Bianco (IA)
Justus Hansen (D)
Poul Petersen (D)
Inga Dóra G. Markussen (S)
Dorthe-Marie Mogensen-Fontain (S)
Peter Davidsen (S)
Mala Høy Kúko (S)
Laura Táunâjik Uitsatikitseq (S)
Dines Mikaelson (S)
Ken Madsen (N)
Finn Karlsen (N)

Aaqqissuussaanermut Ineriartortitsinermullu immikkoortortaqarfimmit ilisimatitsissut

Suliffimmi avatangiisit kulturimillu suliniut Kivitsisuvugut

Ilisimatitsissut

SagsID.: EMN-2021-10172

Suliffeqarfimmut Kiffartuussivik – vicekommunaldirektøri Marie Fleischer / MAFL

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Suleqatigiinnissamik isumaqatigiissutip ”Pingaartitat tunngaviillu aamma inunnik isiginneriaaseq” taassuma ataani kommunip ingerlatsiviini suliffimmi avatangiisit ilaatigut pitsaanerulersinneqarnissaasa pingaartinneqarnissaa kissaatigineqarpoq. Taamaattumik una takussutissaq ilisimatitsissutigineqarpoq.

2021-p ingerlanerani suliffimmi avatangiisit atugarissaarnerlu pillugit suliniutit una tunngavigalugu aallartinneqarput:

- Atugarissaarnermut aamma suliffimmi atugassarititaasut pillugit misissuinerup inernera
- Isumannaallisaaneq aamma suleqatigiinnissamik ataatsimiititap pisariillisarneqarnissaannik kissaat
- Sullivinnik Nakkutilliisoqarfimmiit peqqusutit

”Kivitsisuvugut – vi er dem der løfter” Kommuneqarfik Sermersuumi kulturikkut suliniutaavoq pingaarnertut suliasatsinnik taakkualu pingaarutaannik, tamatta immikkut ataatsimoorlatalu ullut tamaasa naammassisartakkatsinnik, qitiutitsisussa. Kommuneqarfik Sermersuumi sulisut tamarmik ataatsimut anguniagaqarput, tassalu innuttaasut qitiutinneqarnissaat pitsaanerpaamillu sullinneqarnissaat. Kivitsisuvugut tassaavoq Kommuneqarfik Sermersuup suliniutaasa allat, sulineri atugassanut tunngasut, kingunera, aqutsisunik ineriartortitsineq kiisalu sulisunik sungiussisitsilluarnissaq ilanngullugit, Kommuneqarfik Sermersuup suliffeqarfittut pilerinartutut, sulisunut tamanut atugassarissaartitsisutut, kinguneqartussaq.

Atugarissaarnermut aamma suliffimmi atugassarititaasut pillugit misissuineq – politikkinik nutarterineq

Suliffimmi atugassarititaasunik misissuinerup aamma suliffiup nalilernerneqarnera, taanna inatsisitigut pisussaaffiusoq, amerlasuunik nuannersunik inerneqarput. 2021-mi ukiup affaani siullermi workshopertitsinerit internetikkullu isumasioqatigiissitsinerit aaqqissuunneqarput aqutsisunit 130-t missaannik peqataaffigineqartut, tassani aqutsisut tamarmik angusat suliarineqaqqinnissaannut isumassarsiassanik periarfissinneqarput.

2023-mi aamma suliffimmi atugarissaarneq aamma atugassaqartinneqarneq pillugit qitiusumiit misissueqqittoqassaaq, piffissallu akornanni sumiiffinni inernerit suliarineqassapput malitseqartinneqarlutillu.

Suliffimmi tarnikkut atugassaritinneqartuni immikkoortuni marlunni pisortaqatigiinnit politikkit nutarterneqarnissaat kissaatigineqarpoq, taakkunani pitsaanngorsaanissaq pisariaqartinneqarmat:



- Pimmatiginninneq, misissuinerup takutimmagu inuit 167-it (14%) pimmatigineqartut misigisimmata
- Kinguaassiuutitut tunngasumik kissaatiginnisamik soqutigineqarneq, tassani inuit 42-t (4%) tamanna misigisimallugu akisimapput

Politikkut nutarterneqarnerisigut, innuttaasunut nuannaarutaasumik iluaqutaasumillu sulisut tamarmik toqqissisimallutik suliffiminniillutik sulisinnaanerat qulakkeerneqassaaq. "Kinguaassiuutikkut kannguttaatsuliortarneq" aamma "pimmatiginnittarneq" pillugit politikkit Pingaarnertut Suleqatigiinnissamut Ataatsimiititamit Pisortaqatigiinnillu akuerineqarput tamanullu saqqummiunneqareerlutik.

Pimmatiginnittarneq pillugu suliniut

Pimmatiginnittarneq pillugu politikkimut tapertaliullugu Helle Rabøl Hansen suleqatigiserineqarpoq, taanna Ph.D.-uvoq Aarhus universitet / DPU-mi pimmatiginnittarneq pillugu ilisimatusartuulluni. Siullermik suliffimmi sulisunut ataasiakkaanut qanoq atugarissaarnissaaq aamma suliap pitsaassusianut pingaaruteqartiginera pillugu saqqummiussassaaq suliarineqassaaq. Aamma suliffimmi atugassaritinneqartut ajornartorsiutitaqaraangata suut alaatsinaaaffigineqassanersut, suleqatitut, aqutsisutut sulisut sinniisaattut aamma isumannaallisaanermut sinniisutut qanoq suliffiup pitsaasup ineriartortinneqarnissaa pillugu suleqatigiittoqarsinnaanersooq ilanngullugu. Saqqummiussassaaq siullermik Nuummi ingerlanneqassaaq, ukioq manna decembarimi, suleqatigiinnerlu 2022-mi ingerlaqqissaaq, tassani aqqqissuussaaq kommunimi sumiiffinni arlalinni pilersaarutaavoq ingerlanneqassasoq.

Sullivinnik Nakkutilliisoqarfimmit qisuariaatit

Sullivinnik Nakkutilliisoqarfik 2021-p ingerlanerani akulikitsumik kommunip sulliviini nakkutilliartortarpoq. Nakkutilliinerit arlallit oqaaseqaatitaqanngitsumik ingerlanneqarput. Kisianni pingaartumik atuarfeqarnerup iluani oqaaseqaatit arlaqartut aamma tiguineqarput. Qisuariaatigineqartut illunut aamma sullivimmi timikkut tarnikkullu atugassaritinneqartunut tunngassuteqarput. Qisuariaatigineqartut malitseqartinneqareerput aamma sumiiffinni qitiusumillu pitsanngorsaatisatut siunnersuutit suliarineqarput.

Kalaallit Nunaanni inatsisitigut pisussaaffigineqartooq sullivinni avatangiisit pillugit ilinniartitaaneq.

Suliffimmi atugassaritinneqartut ataatsimut pitsaanngorsaaffigineqarput, inatsisitigut pisussaaffiup sullivimmi atugassaritinneqartut pillugit ilinniartitsinerit aamma isumannaallisaanermut suleqatigiinnissamullu ataatsimiititaliat aallartinneqarnerisigut. Sullivinnik Nakkutilliisoqarfiup ilinniagaq taanna Kalaallit Nunaanni angalaaruppaa ukioq manna kommunitsinni Nuuk Tasiilarlu tikinneqarput. Pikkorissarnerni taakkunani inissat katillugit 33-t sulisut aqutsisullu akornanni agguataarneqarput.

Isumannaallisaanermik aqqqissuussineq

Decembari 2021-mi pingaarnertut suleqatigiinnissamut ataatsimiititaliami ataatsimiinnissami isumannaallisaaneq pillugu suleqatigiissitatta aqqqissuussaananeranut siunnersuut nutaaq kiisalu isumannaallisaanermik ataatsimiititaliaq aammalu pingaarnertut suleqatigiinnissamut ataatsimiititaliap isumannaallisaanissamullu ataatsimiititap ataatsimoortinneqarnissaat pillugit aamma saqqummiisoqassaaq. Tamatumani attaveqartarfissat ikilisarneqarnissaasa taamaalinikkullu tamanut pitsaanerulersitsinissap kissaatigineqarsimanera tunuliaqutaavoq. Siunnersuut akuerineqassappat, 2022-p naalernerani aqqqissuussineq naammassereersimassasoq naatsorsuutigaarput.

Kivitsisuvugut

Kommuneqarfik Sermersuumi Kivitsisuvugut atuutilersinneqarnissaanik pisortaqatigiit aalajangerat tunngavigalugu ingerlatsivinni chefinut aallaavilerlugu 2022-mi januaarimi



aallartinneqassaaq. Pisortat taakkuupput Kivitsisuvugut ingerlannissaanik piginnittut aamma ingerlatsivinni tamani Kivitsisuvugut ingerlanneqarnissaanut pilersaarusiornermi chefeqatigiit suleqatigalugit pissalluni.

Kommunimi sulisunut Kivitsisuvugut atuutilersinneqarnissaa iluatsissappat kommunimi sulisunik toqqarneqarsimasunik ilinniartitsineq aallartinneqassaaq. Kommuneqarfik Sermersuumi siuarsaavigerusutatsinnik sulisut toqqarneqartut ineriartortitseqataalluarsinnaammata, attaveqatigiilluarsinnaassuseqartarmata pissuserissaarnissamullu maligassaqqissuusinnaasarmata aqutsisuminnit toqqarneqarsimapput. Sulisut toqqarneqarsimasut Kivitsisuvugut ingerlanneqarnissaanut ingerlatsisussatut piareersarluarniarlugit ulluni 5-ini ilinniartinneqassapput. Pikkorissarnerup kingorna Kivitsisuvugut-ambassadørit kommunimi suleqatiminnut pikkorissaassapput.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Kommuneqarfik Sermersuumi qinngasaarinnermut politikki
- Kalaallit Nunaanni sulinnermi avatangisut pillugit inatsimmik nalunaarut
- Nikanarsaalluni tiingaffiginninnermut politikki

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititap, 20.12.21:

Ilisimatitsissut tusaatissatut tiguneqarpoq, Kommunalbestyrelsimullu ilisimatitsissutitut ingerlateqqinneqarluni.

Ilanngussaq

Soqanngilaq.

Paamiuni meeqqeriviup matoqqatinneqarallarnerata sivitsorneqarnissaa

Ilisimatitsissut

SagsID.: EMN-2021-16765

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Meeqqerivik Mike Paamiuniittoq meeqqanut 3-nit 6-inut ukiulinnut 66-inik inissaqarpoq. Meeqqat ininut sisamanut agguataarsimapput. Meeqqanik paaqqinnittarfimmi sulisussat 15-inut inuttaligaapput, aqutsisoq ilanngullugu. 2021-mi aggustimi Kommunalbestyrelse meeqqerivimmi ininik matusigallarnissaq pillugu aalajangiivoq, meeqqat nalunaarsimasut 43-t kisimik nalunaarsimammata. Imatut aaqqiissuteqartoqarallarpoq, piffissami 1/9 - 31/12 2021-mut meeqqat 3-t aamma 6-it akornanni ukiullit 51-it inissaqartinneqarlutik. Meeqqat ininut pingasunut agguataarneqarput: Init marluk immikkut meeqqanut 18-inut inilu ataaseq meeqqanut 15-inut. Sulisut amerlassusiligaanerata sulisunut 12-inut appartinneqassaaq, aqutsisoq ilanngullugu.

Decembarimi 2021-mi nalilersuineri kommunip perorsaanermik siunnersortai Paamiuni meeqqeriviit marluk suleqatigalugit paasivaat meeqqat Mike-mi allatsissimasut marsip tungaanut 49-50-iussasut. Tamanna Winformatikkimmi paasissutissanik tunuliaquteqarpoq aamma aqutsisut Paamiunut Paamiuniillu nuuttartut pillugit ilisimasaannit.

Taamaattumik meeqqanut 66-inut inissaqaaqqaarneranut uternissaq pisariaqanngilaq, taamaattumillu inip aappaanik matusigallarneq qaammatini sulii pingasuni atuutissasoq kissaatigineqarpoq.

Ingerlatsivimmit aningaasatigut sulisoqarnikkullu naliliinerit

Meeqqerivimmiissinnaasut naleqqussarneqarallarnerannut atatillugu sulisullu 1. januaarimiit 1. aprili 2022-p tungaanut pingasunik ikilineqarnissaat pillugu akissarsiaasanut aningaasartuutitut sipaarutissat isumaqatigiissutit atuuttut malillugit imaalissapput: 184.289,07 kr.

Massakkut isertitassanik annaasaqartoqanngilaq, akiliutaasunik, meeqqanik meeqqerivimmi inissamut allatsittoqarsimanngimmat.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Meeqqanut sulii atualinngitsunut perorsaanikkut ineriartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-imeersoq
- Kalaallit Nunaanni ulluunerani aamma ulloq unnuarlu paaqqinniffinni perorsaatut sulisut pillugit Kalaallit Nunaanni Naalakkersuisut aamma Nunatsinni Perorsaatut Kattuffiata akornanni ulloq 6. marsi 2021-mi isumaqatigiissutaat
- Ilinniarsimasut ilinniarsimanngitsullu aamma isumaginninnermi ikiortit nalunaaquttap akunnermusiallit pillugit Kalaallit Nunaanni Naalakkersuisut, Finansministeriap aamma Sulineri Inuussutissarsiuteqartut Kattuffiata isumaqatigiissutaat 2. decembari 2019-imeersoq

Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 21.01.22:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 03.02.22:

Ilisimatitsissut tusaatissatut tiguneqarpoq.

Ilanngussaq

Soqanngilaq.

MISI-p suleriaasii nutaat pillugit ilisimatitsissut

Ilisimatitsissut

SagsID.: EMN-2020-02713

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut

inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

2021-mi sapaatip akunneranni 16-imi Meeqqanut Atuarfeqarnermullu Ingerlatsivik seminarimik aaqqissuivoq, tassani immikkut Meeqqat atuarianni immikkut atuartitsineq aamma allamik immikkut ittumik perorsaanikkut ikiorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq sammeneqarpoq. Tassani Kommuneqarfik Sermersuumi illoqarfinni tamani Atuarfinni aqutsisut, llinniartitsisunut siunnersortit aamma immikkut klassini llinniartitsisut peqataapput, kiisalu Atuarfeqarnermut immikkoortoqarfik aamma MISI. llinniartitaanermut aqutsisoqarfik aamma seminareqarnermut takkuppoq nalunaarut pillugu saqqummiilluni.

MISI piffissap ingerlanerani illup iluani suleriaatsinik allannguerusussimavoq, atuisut sullinneqarneri pitsaanerulersikkumallugu, annerusumillu taakkuupput Kommuneqarfik Sermersuumi atuarmi, ulluuneranilu paaqqinnittarfiit.

MISI-p tunngaviummik pingaarnertut suliassarivaa Perorsaanikkut tarnillu pissusiinik siunnersuisarneq, meeqqat inuussutullu ilikkarsinnaaneramik, ineriartornissaannik aamma avatangiisiminnit pissutsimikkut inuunerissaarnissamik tapersersuinikkut pitsaanerunerulersitsisumik. MISI-p suliassai pingaarnernut tulluuttunullu immikkoortiterlugit maanna agguataarneqarput:

Suliassat pingaarnert

- Perorsaaneq tarnillu pissusii pillugit siunnersuineq, tassani MISI-p pitsaaliuineramik suliart pingaartinnerullugit sulerusuppoq, Kommuneqarfik Sermersuumi atuarmi ulluuneranilu paaqqinnittarfiit perorsaaneq siunnersuinerlu eqqarsaatigalugit siunnersuilluni, assigiinngitsunik suliartit aqusaarlugit perorsaaneq eqqarsaatigalugu suliart ingerlanneqarnera pingaartillugu ikiuilluni.
- Perorsaanikkut tarnip pissusiinik naliliinerit (PPV). PPV meeqqap atugarisaanik pisariaqartitaanillu kiisalu meeqqap avatangiiserisaminut tunngatillugu peqateqarnerminut atugarisaanik pisariaqartitaanullu tunngasunik imaqarpoq.
- llinniartitsisunut aamma perorsaanermik suliartinnut supervision, siunnersuineq ilitsersuinerlu

Suliassat tullii

- Sivikinnerusumik ingerlanneqartumik angajoqqaanik siunnersuineq (ullormi siullermi siunnersuinermit qaammatit pingasut angullugit ingerlaneranni oqaloqatigiinnerit 1-4-t). Suliartit iluuseqartoqarnissaanik pisariaqartitsisoqarnera takuneqarsinnaappat, taava MISI susassaartunut allanut attaveqartitsinnaavoq soorlu Meeqqanut Ilaqutariinnullu Ingerlatsivimmut, atuarmut imaluunniit ulluunerani paaqqinnittarfimmut.

- Angajoqqaanut siusinnerusukkut sisamanngornikkut nal. 13-15 akornanni MISI-mi "ammasumik siunnersuinnermut" saaffiginninnissaq periarfissaasimagaluarpoq. Tamanna "ammasumik saaffiginninnermut" allannortinneqarpoq, tassani saaffiginnittoq MISI-mit saaffiginninnermi immersugassamik ikiorneqartarpoq. Tamatuma kingornatigut meeqqap atuarfianik ulluuneraniluunniit paaqqinnittarfianik sullissisup angajoqqaatut oqartussaassuseqartoq attavigissavaa.
- Saqqummiineq, suliniummik suliaqarneq il.il.

Nutaartaasoq tassaavoq MISI-mi sulisut TEAMS-inut agguataarneqarnerat, taakku immikkut atuarfimmu arlalinnuunniit akisussaaffilerneqarlutik. Tassunga atatillugu qaammatikkuutaartumik Atuarfiup pisortaa Ilinniartitsisorlu siunnersuisartoq ataatsimeeqatigisarnissaat isumaqatigiissutigineqartassaaq, taakkua suliasat sorliit MISI-mit salliunneqarnissaannik eqqartuinissaminut periarfissaqarput. Suleriaatsimut nutaamut atuarfiit toqqaannarnerusumik qaninnerusumillu attaveqarfigilernissaat pissutaavoq. Aamma atuarfiit saaffiginnissuteqannginnerminni aamma MISI-mut innersuussinnginnerminni namminneerlutik pitsaaliuinnermik sulisinaanermiinnut piginnaanngorsarneqarnissaat pineqarpoq. Taamatut ilusiliineq siusinnerusumut sanilliullugu aqutsisunik akuutitsinerulissaaq aamma atuarfinni aqutsisunik suleqateqarnerulersitsilluni, tamatumalu kingunerissavaa suut naatsorsuutigineqarnerinik nallersuussisoqarsinnaalernissaa aamma MISI-p innersuussutigisaasa ajornannginnerusumik atuutilersinneqarsinnaaneri. Taamatut nutaamik suleriaaseqalerneq MISI-mi suliat assigiinngitsut aqqusaarlugit sulianik pitsaaliuinnermillu sulianik annertuumik pitsanngorsaassasoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- o Meeqqanut sulit atualinngitsunut perorsaanikkut ineriartuutaasumik ulluunerani neqeroorutit pillugit Inatsisartut inatsisissaat nr. 16, 3. decembari 2012-imeersoq: § 5, imm. 3, nr. 4
- o Atuarfik pillugu Inatsisartut inatsisissaat nr. 15, 3. decembari 2012-imeersoq: §38, nr. §4
- o Meeqqat atuarfianni immikkut atuartsisarneq aamma allamik immikkut ittumik perorsaanikkut ikorsiisarneq pillugit Namminersorlutik Oqartussat nalunaarutaat nr. 21, 8. december 2017-imeersoq

Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 21.01.22:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 03.02.22:

Ilisimatitsissut tusaatissatut tiguneqarpoq.

Ilanngussat

Soqanngilaq.

Kitaani Nuummilu 2021-imut angerlarsimaffimmi paarsisartunik nakkutilliineq

Ilisimatitsissut

SagsID.: EMN-2021-15919

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LMN

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- 2021-mi nunaqarfinni neqeroorutit ullaunerani paarsisartunik nakkutilliineq pillugu ilisimatitsissut tusaatissatut tiguneqassasoq

Suliassamik saqqummiussineq

Meeqqanut suli atualinngitsunut perorsaanikkut ineriiktuutaasunik ullaunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersumi § 5, imm. 2 naapertorlugu, kommunalbestyrelsip meeqqanut ullaunerani neqeroorutit tamaasa nalinginnaasumik perorsaanermullu tunngatillugu nakkutigissavai. Meeqqanik angerlarsimaffimmi paarsisoqartillugu, ukiumut sisamariarluni nakkutilliilluni orninneqartassapput, taakkunanngalu ataasiarluni siuumoortumik nalunaaqqaarani nakkutilliisoqartassalluni.

Kommuneqarfik Sermersooq kommunip nunaqarfiini meeqqanut suli atualinngitsunut (0-niit 6-nut ukiulinnut) perorsaanikkut ineriiktuutaasunik ullaunerani arlalinnik neqerooruteqarpoq. Nunaqarfinni Kapisilinni Qeqertarsuatsiaanilu kitaaniittuni kommune nunaqarfinni taakkunani angerlarsimaffimmi paarsisartoqarpoq. Nuummi kommune angerlarsimaffimmi paarsisartunik marlunnik peqarpoq, meeqqat paarineqartarlutik angerlarsimaffimmi paarsisartut aappaata nammineq angerlarsimaffiani, angerlarsimaffimmi paarsisartup aappaa meeqqerivik Meeqqat paarsiffigisarlugu.

Siusinnerusuklut nunaqarfik Arsuk angerlarsimaffimmi paarsisartumik peqarfiunikuuvoq. Kisianni taanna matugallarnikuuvoq, meeqqat amerlassusaat nunaqarfirmilu paarsisoqarnissaanik pisariaqartitsinerup amigarnera pissutigalugu. Kisianni Ullaunerani neqeroorutitut immikkoortortap ilisimavaa, nunaqarfirmi paaritinnissamik pisariaqartitsisoqalerumaartoq, taamaallunilu angerlarsimaffimmi paarsisoqartarneq atuliseqqinneqassalluni. Tamanna suli pisimanngippat, pissutaavoq, nunaqarfirmi meeqqat utaqqisut allattorsimaffiitut arlaannaannulluunniit angajoqqaavisa suli nalunaarutigisimannginnerat.

Ullaunerani neqeroorutitut immikkoortortap 2021-p ingerlanerani nunaqarfinni angerlarsimaffimmi paarsisartut Kitaaniittut Nuummilu nakkutilliiffiginikuuai.

Nakkutilliinerni taakkunani immikkut erseqqissaatigineqassaaq, Kapisilinni angerlarsimaffimmi paarsisartumut taartaasartumik pissarsinissaq ajornakusoortuummat. Taamaasilluni angerlarsimaffimmi paarsisartoqarneq aasaq matugallartariaqarsimavoq, sulisut akornanni sivisuumik napparsimaneq pissutigalugu sulinngittoqarnera pissutigalugu.

Nakkutilliinerit nalaanni aamma erseqqissaatigineqarpoq, nunaqarfinni paarsisartuni sulisut attaveqarnerulernissaq perorsaanermullu tunngasunik paarlaasseqatigiinnerulernissaq, kommunimilu ullaunerani neqeroorutitut tunngasuni sulisunik allanik isumassarsiornerusarnissaq ujjartortaraat. Tassunga atatillugu Ullaunerani neqeroorutitut immikkoortortap ullaunerani

neqeroorutini sulisut pikkorissartinneqarnissaat sulissutigaa, nunaqarfinni sulisut tamatumani ilaatillugit, tamannalu iluatsillugu misilittakkanik isumassarsianillu avitseqatigiittoqarsinnaassalluni.

Nakkutilliinerit saniatigut Ulluunerani neqeroorutitut immikkoortortap aamma angerlarsimaffimmi paarsisartut ataavartumik ornittarpai, taakkunani sapaatip akunneranut pilersaarusiomerit, meeqqanik misiliinerit, misiliinerillu taakkua ulluinnarni qanoq atorneqarsinnaanerisa suliarineranni ikuuttoqartarluni. Tamakkua saniatigut sivikitsukkuutaamik pikkorissaasoqartarpoq. Ulluunerani neqeroorutitut immikkoortortaq nunaqarfinni angerlarsimaffimmi paarsisartut ataavartumik oqarasuaatikkut attaveqartarpoq, tassuuna sulisut siunnersorneqartarput, ulluinnarnilu apeqqutit assigiinngitsut pillugit ikiorserneqartarlutillu ikorfartuiffigineqartarput.

Ulluunerani neqeroorutitut immikkoortortaq skemamik assigiissaakkamik suliaqarnikuuvoq, nunaqarfinni angerlarsimaffimmi paarsisartut nakkutilliinermut atatillugu atugassamik. Kisianni taanna 2021-mi nakkutilliartornertut atatillugu atorneqanngilaq, nakkutilliartarluni takkuffissap nalaani suli naammassineqarsimannginnera pissutigalugu. Ulluunerani neqeroorutitut immikkoortortap naatsorsuutigilluinnarpaa, skema 2022-mi nakkutilliartornerni aallaavigineqarluarumaartoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattitallit

- Meeqqanut suli atualinngitsunut perorsaanikkut ineriartuutaasumik ulluunerani neqeroorutit pillugit Inatsisartut inatsisissaattut siunnersuut nr. 16, 3. decembari 2012-meersoq

Siusinnerusukkat aalajangiinerit

Meeqqanut Atuarfeqarnermullu Ataatsimiititaq, 08.12.21:

Ilisimatitsissut tusaatissatut tiguneqarpoq.

Aningaasaqarnermut Inuussutissarsiornermullu Ataatsimiititaq, 20.12.21:

Ilisimatitsissut tusaatissatut tiguneqarpoq, Kommunalbestyrelsimullu ilisimatitsissutit ingerlateqqinneqarluni.

Ilanngussaq

1. Kitaani Nuummilu 2021-imut angerlarsimaffimmi paarsisartut nakkutilliinermut nalunaarusiaq

Kommunimut pilersaarummut tapiliussamut siunnersuut 1C30-4 Tuujuk, Nuuk

Ilisimatitsissut

SagsID.: EMN-2021-17205

Sanarfinermut Avatangiisinullu Ingerlatsivik, pisortaq Hans Ulrik Skifte/ HUTS

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1C30-4 Tuujuk, Nuuk, matumuuna saqqummiunneqarpoq.

Pilersaarusiortifigineqartooq 7,2 ha.-it missiliorlugit annertussuseqarpoq Nuup qiterpasittortaani inissisimalluni Tuujuullu annersaa tassaniippoq, immikkoortumi Aqqusinersuup aamma Kongevejip akornanni. Immikkoortoq ullumikkut annerusumik inissianut siunertanut atorneqarpoq taakkulu ullumikkut pisoqalisunik inissiaartaqarput, kiisalu Ceresvej kujammut sinerlugu inissianik nutaanik. Kujammut kimmuteqeqquani Hans Egedep oqaluffiata ataani illoqarfimmi iliveqarfik ippoq. Immikkoortumi Kirkeveji kitaani Brugseneeraq ippoq.

Immikkoortup ilaa ataatsimoorussanut siunertaqartunut qitiusumik immikkoortussamut atugassanngortinneqarpoq, aamma immikkuualuttut A aamma B isateriffigineqarsinnaalerpoq inissiaareersut pisoqqat isaterneqarnissaannut immikkoortullu inissianik eqimasunik pukkitsunik quleriaaillu inissialiorfigineqarnissaanut.

Pilersaarummut tapiliussassatut siunnersuummi matumani sanaartorfissat qulingiluat immikkoortinneqarput.

Sanaartorfissat A1-A9 pisortat inissialiortnerannut atorneqassaaq.

Sanaartorfissat A1-A9 Kommuneqarfik Sermersuumi imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermit peqatigiiffiusunik atorneqarsinnaavoq siunertanut pisortatigoortumik atugassatut.

Sanaartorfissat 10 pisiniarfiup pioreersup allilerneqarnissaanut atorneqassaaq. Illumi allermi pisiniarfeqarlunilu inuussutissarsiuqartoqarsinnaavoq quleriinnilu qulaaniittuni inissiaqarsinnaavoq.

Immikkoortumi nutaamik sanaartornermi quleriit 2-4 angullugit portutigisumik illuliortoqarsinnaavoq.

Sanaartukkat nutaat blokkitut takisuutut/illugiissutut imaluunniit sanileriaatut uigulukuttutut aamma sivingasunik qalialittut sananeqassapput. Takisuujuneri kipiniarlugulusooq illut silataatigut aniinganeqartinneqassapput, aniinganertaasa atortui allaanerutinneqassapput imaluunniit ammukaartunik igalaaqartinneqassapput.

Inissialiat assigiinngiaartut aamma angissutsimikkut periarfissinneqarput, inissianut immikkoortup assigiinngiaarnissaanik aamma inunnut assigiinngitsunik ukiulinnut pilerinartuunissaanik kiisalu innuttaasut assigiinngiaartumik katitigaanissaannik qulakkeerinnittumik

Inissianut nutaanut atatillugu silamiiffissat pitsaasuunissat qulakkeerneqassaaq. Sanaartukkat nutaat eqimattanngorlugit silataanni ataatsimut uninngaarfigisinnaasaannik peqartinneqassapput, najugaqatigiinnermut peqataanissamut tikilluaqqusisunik aamma najugaqatigiit akornanni attaveqatigiilersitsisunik. Inissiaqarfiit silatai uninngaarfeqartinneqassapput, anorimut asseqqasunik aamma seqinermit sammitinneqartunik, naasoqarlunilu pinnguarfeqarlunilu sammisassaqaqfigineqarsinnaasumik, kiisalu sikkilinnut inissiiffissaqartunik.

Immikkoortoq napillugu, Tuujuup aqputaa kusserngalu sinerlugit, pilersaarutaavoq tamanna qaffanneqassasoq sukisaarsarfiusinnaasorlu pioreersoq annertusitinneqarnissaa, immikkoortumut tamarmut qorsuttaqarfingortinneqartumik. Kussineq sukisaarsarfiup ilaatut iluarsineqassaaq tamassuma nammineq pissusaa aamma sanarfineqarneratigut aamma ingerlaarfiit qulineqassapput ujaralersorneqarlutillu ingerlaarfissanik, illoqarfiullu ilaa eqqaaniittoq assigiinngisitaartunik naasoqartinneqassaaq.

Immikkuualuttup ilaani A-mi biilnut uninngasarfissat inissianut nutaanut atasumik pilersinneqartassapput, sumiiffinni silataani ataatsimoorfigineqarsinnaasut avataanni, imaluunniit illumut atatillugit. Kommunitum pilersaarummi biilnut inissiiviit pillugit najoqqutassat atuuttut naapertorlugit immikkoortumi biilnut uninngatitsivinnik pilersitsisoqassaaq. Inissiaqarfinnut aqut aqqusineeqqatigut aqquserngillu sinerlugit pissaaq, kiisalu qorsuttaqarfimmut atatillugu sukisaarsarfiusumit.

Siunnersuut tamanut tusarniaassutigineqassaaq sapaatip-akunnerini arfineq-pingasuni.

Kommunitum pilersaarummut tapiliussassatut siunnersuutip 1C30-4-p akuerineqarneratigut immikkoortumut kommunitum pilersaarummut massakut tapiliutaasumi 1C30-2, 1C30-3 aamma 1C34-1 kiisalu 1C5-1 atorunnaarsinneqarput.

Ingerlatsivimmit aningaasatigut sulisoqarnikkullu naliliinerit

Kommunitum pilersaarummut tapiliussamik suliaqarneq aningaasaqarnikkut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-imeersoq
- Kommunitum pilersaarut digitalusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 13.01.22:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 03.02.22:

Sanarfinermut Avatangiisinullu Ataatsimiititaq Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunitum pilersaarummut tapiliussassatut siunnersuut 1C30-4 Tuujuk, Nuuk tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

Inassuteqaat akuersissutigineqarpoq, imatut oqaaseqaatitalerlugu: Pilersaarutip Kommunalbestyrelsimut ingerlateqqinneqannginnerani iliveqarfiup allanngortinneqannginnissaa pilersaarummi ersarissaassutigineqassasoq kissaatigineqarpoq.

Ilanngussaq

1. Kommunitum pilersaarummut tapiliussamut 1C30-4, Tuujuk, siunnersuut

Kommunimut pilersaarummut tapiliussassatut siunnersuut 2A3, Manngua, Nuuk

Ilisimatitsissut

SagsID.: ANL-2021-00010

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Sanarfinermut Avatangiisinullu Ingerlatsivimmit matumuuna kommunimut pilersaarummut tapiliussatut siunnersuut 2A3-2 Manngua, Nuuk, matumuuna saqqummiunneqarpoq.

Kommunimut pilersaarummut tapiliussami immikkoortoq 2A3, inissiaqarfittut (A) atugassanngorlugu aalajangersarneqarpoq, tassaniissinnaappullu inissiat siammasissut pukkitsullu. Immikkoortup ilaani aamma suliffeqarfiit, inissinneqarsinnaapput taakku ingerlanneqarnermikkut immikkoortup najugaqarfittut atuunneranik allannguissanngippata.

Matumani kommunimut pilersaarummut tapiliussami, 2A3-2, Manngua, meeqqanut inuusuttunullu najugaqarfissamut sanaartorfissiat 2-k atugassiissutigineqarput. Najugaqarfik immikkoortup atorneqarneranut isikkuanullu naleqqussarneqarsimassaaq aamma immikkoortup pitsaassusia sukisaarsarfittullu pingaarutai najugaqartunut innuttaasunullu avataaneersunut tikinneqarsinnaajuarnissaat qulakkeerneqassaaq .

Matumani kommunimut pilersaarummut tapiliussami immikkuualuttut marluk sanaartorfissanngortinneqartut:

- **Immikkuualuttup ilaa A** meeqqanut inuusuttunullu najugaqarfittut atugassaritinneqarpoq
- **Immikkuualuttup ilaa B** inissianut kiisalu meeqqerivimmut atugassanngortinneqarpoq
- Kommunimut pilersaarummut tapiliussami inissianut aqqusineq nutaaq, immikkuualuttup ilaanik A-mik Nuussuullu aqqutaanik atassusiisumik, pilersinneqarsinnaavoq

SANAARTUKKAT

Immikkoortup ilaani 2A3-mi sanaartoriaaseq attatiinnarneqassaaq, ilaqutariinnut ataatsinut illut, affarleriit uigulukuttullu tamaani nuna atuarlugu ippat naammaginartumillu ungasissuseqartut qaamaneqartitsipput immikkuualuttullu ilaani illunik assigiinngitsunik isikkiveqartitsillutik.

Immikkoortup ilaata ammasuunera immikkoortunullu sukisaarsarfinnut atassuteqarnera taamaaginnarlunilu pitsaanerulersinneqassaaq, peqatigitillugulu immikkoortup ilaani sanaartoriaaseq isikkuilu ingerlateqqinneqarlutik. Inissiaqarfiup isikkuata allanngortinneqannginnissaa pingaartinneqarpoq, najugaqarfissap akornusersorteqarani peqatigitilluguli ataatsimoortumut ilaatinneqarnissaa, kiisalu immikkoortunut eqqaaniittunut sukisaarsarfiusunut atassuteqarnera ingerlateqqinneqarluni.

SANAARTORFISSAT

Immikkoortup ilaani 2A3-mi sanaartorfissat marluk atugassanngortinneqassapput, tulluittumi erseqqinnerusumik nassuiarneqartut:

B1: meeqqanut inuusuttunullu najugaqarfittut atugassamut sanaartorfissaq nutaaq. Illu qalialernagu (1 plan) sananeqarsinnaavoq. Inissiatut siunertalik toqqavilerneqarsinnaavoq imaluunniit nunap ilusaata ajornartinngippagu toqqorsiveqarsinnaavoq. Sanaartorfik 550 m²-imik sanaartorfigineqarsinnaavoq.

B2: sanaartorfissaq nutaaq meeqqanut inuusuttunullu najugaqarfissamut. Sanaartugassaq 2 plan-iusinnaavoq. Inissiatut siunertalik toqqavilerneqarsinnaavoq imaluunniit nunap ilusaata ajornartinngippagu toqqorsiveqarsinnaavoq. Sanaartorfik 750 m²-imik sanaartorfigineqarsinnaavoq.

Illumut taassumalu silataanut ikaarsaarianermut nalinginnaasumik piumasaqartoqarpoq, nammineq inuttut tamallu angalaarsinnaanerit pisinnaaqullugu, immikkoortup ilaata Nuussuup Mannguanut aqutaaginnarnissaa siunertarlugu.

ANGALLANNERMUT TUNNGASUT / AQQUSERNGIT AQQUSINEEQQALLU

Immikkoortup ilaa 2A3 Nuussuarmiippoq Mannguanullu inissianut aqqutikkut aqquteqarpoq taannalu Nuussuarmi aqqusinermut pingaarnermut atavoq.

Pilersaarummi matumani inissiaqarfinnut aqqut nutaaq, immikkuualuttup ilaanik A-mik Nuussuup aqqutaanut attaviliisoq pilersinneqassaaq, immikkuualuttup ilaata B-p maannakkut inissiaqarfianut angallattut annikillisinniarlugit.

Inissinneqarnerani immikkuualuttup ilaata A-p aamma B-p akornanni pisuinnaat sikkilertullu ataqatigiissinnissaat immikkuualuttullu ilaanut attaveqarneranut najoqqutarineqartut pingaartinneqarput.

Kommunimut pilersaarummut tapiliussassatut siunnersuut 2A3-2 tamanut tusarniaassutigineqassaaq sapaatip akunnerini 6-ini.

Matumani Kommunimut pilersaarummut tapiliussassatut siunnersuutip 2A3-2 akuersissutigineqarneratigut 2A3-1 atorunnaarsinneqassaaq.

Naalagaaffiit Peqatigiit nunarsuaq tamakkerlugu anguniagaat



ANGUNIAGAQ 11: Illoqarfiit najukkamilu inuiaqatigiit piujuartitsisut -

Pilersaarummut tapiliussap illuliortaatsip qajannaatsup init inissaqarluartut akunnilersorluarsimasullu, piffissap ingerlanerani atortuarneqarsinnaasut ineriartornermullu malinnaasut neqeroortutigineqarsinnaanissaat qulakkiissavaa.

- Pilersaarummut tapiliussakkut qulakkeerneqassaaq, kikkut tamat isumannaatsumik angallassinnaajuarnissaat illoqarfimmilu sukisaarsarfissaqqissuni atuisinnaanissaat.



ANGUNIAGAQ 12: Akisussaassusilimmik atuineq nioqqutissiornerlu-

Pilersaarummut tapiliussap sanaartukkat patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/10 atorneqartarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Pilersarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. novembari 2010-meersoq
- Inatsisartut inatsisaat nr. 34, 9. december 2015-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 25.11.21:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 20.12.21:

Inassuteqaat akuersissutigineqarpoq.

Ilanngussaq

1. Kommunimut pilersaarummut tapiliussassatut siunnersuut 2A3, Manngua, Nuuk

Attartortut tamarmik Ineqarneq pillugu naammagittaalliuuteqartarfimmut naammagittaalliuuteqarsinnaanerit

Aalajangiiffisassaq

SagsID: EMN-2021-16382

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsionermullu Ataatsimiititap Kommunalbestyrelsimut inassuteqaatigaa:

- Kommunalbestyrelsip Ineqarneq pillugu naammagittaalliuuteqartarfimmik pilersitsisoqarnissaa aalajangiinerata, imm. 24, ulloq 23. novembari 2021-mi, atorunnaarsinneqarnissaa
- Ineqarneq pillugu naammagittaalliuuteqartarfiup pilersinneqarnissaa akuerineqassasoq, naammagittaalliuutinik inissiaatini attartortittakkani Iserit A/S-imit Nuuk City Development A/S-imiillu pigineqartuni attartortuneersunik suliaqarsinnaasumik kiisalu inissiani Kommuneqarfik Sermersuup, Iserit A/S-ip Nuuk City Developmentillu attartorsimasaanni kingornalu inunnut attartortitaanni ineqartunit naammagittaalliuutaasut
- Ineqarneq pillugu naammagittaalliuuteqartarfiup ileqqoreqqusassaasut siunnersuut ilanngunneqartoq akuersissutigineqassasoq
- Iserit A/S-imi aamma Nuuk City Development A/S-imi immikkut ittumik ataatsimeersuarnissamut aggersaasoqarnissaa akuersissutigineqassasoq tassani aalajangiussaq nalunaarutigalugulu aamma akuersissutigineqassasoq
- imm. 3 malillugu aggersaaneq pisassasoq pisinnaasoqartinnagu aamma ilimasaarisooqartillugu
- Kommunaldirektørip ataatsimeersuarnermi peqataasinnaatitaanermi piginneqataasooq sinnerlugu taasisinnaatitaanini atorsinnaagaa akuersissutigineqassasoq
- Ineqarneq pillugu naammagittaalliuuteqartarfimmi siulittaasussamik kiisalu siulittaasumut sinniisussamik toqqaanissamut kommunaldirektøri pisinnaatinneqassasoq
- Ineqarneq pillugu naammagittaalliuuteqarfimmi allatseqarfik pilersinneqassasoq sulisulersorlugulu

Suliamik saqqummiussineq

Attartortut tamarmik ineqarneq pillugu naammagittaalliuuteqartarfimmut naammagittaalliuuteqarsinnaanngortinneqarnerisa kinguneranik, attartortullu attartortitsisumik aqqiagiinngissuteqarnerat aalajangiiffigineqarnissaat pillugu, matumuuna siusinnerusukkut Ineqarneq pillugu naammagittaalliuuteqartarfimmik pilersitsinissamik aalajangiineq atorunnaarsinneqarpoq aamma Ineqarneq pillugu naammagittaalliuuteqartarfik, kommunimit imaluunniit kommunip ingerlatseqatigiiffiini attartortunit tamanit naammagittaalliuuteqarfigineqarsinnaasumik pilersitsisoqassaaq.

Kommunip inissiaatai Iserit A/S-imut aamma Nuuk City Developmentimut tunniunnerini Ineqarneq pillugu naammagittaalliuuteqartarfiup Naalakkersuisunit pilersinneqartup tungaaniit oqaatigineqarpoq inissiat tunniussinermi kommunip inissiaataatut isigineqarunnaassasut taamaammat attartortut ineqarneq pillugu naammagittaalliuuteqartarfimmut naammagittaalliuuteqarsinnaajunnaartut. Tamanna illuni Kommuneqarfik Sermersuup inunnut attartorteqqitassatut attartugaani attartortunut aamma atuuppoq. Kommunimit aamma kommunip ingerlatseqatigiiffiini attartortut tamarmik assigiimmik pineqartussaanerit aamma assigiimmik sullinneqartussaanerit malillugu, Kommuneqarfik Sermersuumi, Iserit A/S-imi taamatullu Nuuk City Development A/S-imi attartortut pillugit, kommunimi Ineqarneq pillugu naammagittaalliuuteqartarfimmik pilersitsisoqarnissaa naapertuunnerpaajuvoq

Ineqarneq pillugu naammagittaalliuuteqarfiup ukiumut nalunaarusiaani allaqqasuni takuneqarsinnaavoq, Illuut A/S aqqutigalugu attartortuniit isumaqatigiinngissutaasut minillugit Namminersorlutik Oqartussat aamma kommunip inissiaataanni attartortittakkani attartortut attartortitsisullu akornanni isumaqatigiinngissutaasut Ineqarneq pillugu naammagittaalliuuteqartarfimmiit aalajangiiffineqartartut. Aaqqissuussap nutaamik kingunerisaanik siunertarineqanngikkualarpoq Iserit A/S-imi attartortut inatsisitigut inissisimanerisa allanngornissaat.

Ileqqoreqqusassatut siunnersuutit ilanngunneqartut malillugit siunnersuutigineqarpoq kommunimi Ineqarneq pillugu naammagittaalliuuteqartarfik pilersinneqartussaap maannakkut Ineqarneq pillugu naammagittaalliuuteqartarfittulli piginnaasaqartinneqassasoq. Tassa imaappoq, Kommuneqarfik Sermersuumi inissiani attartortittakkani Iserit A/S-imut aamma Nuuk City Development A/S-imut naammagittaalliuutit tunniunneqartut suliarisassallugit, aamma naammagittaalliuut Inissianik attartortitsisarneq pillugu Inatsisartut peqqussutaat nr. 2, 12. maj 2005-imeersumit tunngaveqarpat aalajangersakkat imaapput:

- 1) Ineqarnermut akiliutinik qaffaanissamik siumoortumik ilisimatitsisarnermi piumasarisat.
- 2) Aserfallatsaaliuineq iluarsaassinerlu.
- 3) Inissiap iserterfigineqarnerani qanoq issusia.
- 4) Attartukkami atortut ikkussukkat pitsanngorsaanerillu (atuisinnaatitaaneq).
- 5) Attartortup atukkaminik atuinera (malittarisassanik unioqqutitsinerit).
- 6) Atuisinnaatitaanerup allanut tunniunneqarnera (inissianik paarlaateqatigiinneq, attartukkamik allanut attartortitsigallarneq aamma attartornermik nangitsineq).
- 7) Inissiamit aninermi inissiap qanoq ittunera (iluarsaassineq nalinginnaasoq).

Ileqqoreqqusassatut siunnersuummi ilanngunneqartumi takuneqarsinnaasoq naapertorlugu Ineqarneq pillugu naammagittaalliuuteqartarfik siulittaasoqarpoq pingasunillu ilaasortaataqarluni. Siulittaasoq siulittaasumullu sinniisoq Kommuneqarfik Sermersuumi Aningaasaqarnermut Inuussutissarsiornermullu Ataatsimiititamit toqqarneqassapput, marluullutillu ineqarnermut tunngasunik immikkut ilisimasaqartuussapput imaluunniit inatsisilerinermut kandidatitut misilitsinnermi naammassinnissimassallutik.

Naammagittaalliuuteqartarfimmi ilaasortaq tassungalu sinniisoq Kalaallit Nunaanni Sulisitsisunit toqqarneqassapput. Naammagittaalliuuteqartarfimmi ilaasortaq tassungalu sinniisoq Sulinermik Inuussutissarsiuteqartut Kattuffiannit toqqarneqassapput. Naammagittaalliuuteqartarfimmi ilaasortaq tassungalu sinniisoq inissianik piginnittunit ataatsimut toqqarneqassapput. Naammagittaalliuuteqartarfimmut ilaasortaasut sinniisuilu inissiaateqarnernut tunngassuteqartunut ilisimasaqartuussapput. Siulittaasumik, ilaasortanik taakkununngalu sinniisunik toqqaaneq ukiunut sisamanut atuuttussatut pissaaq.

Siulittaasoq taassumaluunniit sinniisua piginnittuunermut, inissianut imaluunniit attartornermut kattuffinnut immikkut attuumassuteqartuussanngilaq imaluunniit inissianik tuniniaasarnermi inuussutissarsiuteqarnikkut akulerusimasuussanngilaq. Naammagittaalliuuteqartarfimmi ilaasortaq sinniisorluunniit piffissaalluatillugu ataatsimiigiaqqusaareernermi kingorna ataatsimiigiarnissaminut pisussaataaavoq.

Naammagittaalliuuteqartarfik kiffartuunniarlugu aamma naammagittaalliuutit suliallu suliarisarnissaat eqqarsaatigalugit allatseqarfimmik pilersitsisoqassaaq. Allatseqarfiup naammagittaalliuutit tigoortassavai, naliliillutillu sulianik piareersaasiortassapput, naammagittaalliuuteqartarfik kiffartuutissavaa naammagittaalliuuteqartarfiullu aalajangerneri nalunaarutigisarlugit.

Ingerlatsivimmit aningaasatigut sulisoqarnikkullu naliliinerit

Ineqarneq pillugu naammagittaalliuuteqartarfimmi allatseqarfianilu aningaasartuutit tamaasa ukiumut Iserit A/S-imit aamma Nuuk City Development A/S-imit avillugit akilerneqartassapput. Suliassap naammassisarnissaanut ukiumut 1-imiit 1,5 missaani immikkoortitsisarnissaq missiliorneqarpoq.

Ineqarneq pillugu naammagittaalliuuteqartarfimmi naammagittaalliummik suliarinninneq ataaseq attartortumut akitsuut 250 koruuneqarpoq. Naammagittaalliuuteqarnermut akitsuut utertinneqassaaq attartortoq naammagittaalliuutigisamini ajugaaguni, imaluunniit suliaq Ineqarneq pillugu naammagittaalliuuteqartarfimmi suliassaangitsutut nalilerneqarpat.

Inatsisitigut tunngavissaq allakkallu tunngaviusumik uppersaattallit

- Inissiat attartortittakkat pillugit Inatsisartut peqqussutaat nr. 2, 12. maj 2005-imeersoq

Suliffeqarfimmut Kiffartuussivimmit aningaasatigut naliliineq

Oqaaseqaateqartoqanngilaq

Siusinnerusukkut aalajangerit

Aningaasaqarnermut Inuussutissarsiornermullu Ataatsimiititaq, 21.11.21:

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ineqarneq pillugu naammagittaalliuuteqartarfimmik Kommuneqarfik Sermersuup inissiatini attartortittagaanni Iserit A/S-imut Nuuk City Development A/S-imullu tunniunnerisa nalaanni attartortut naammagittaalliuutaannik tunniunneqartunik suliarinnissinnaasumik pilersitsineq akuersissutigineqassasoq
- ineqarneq pillugu naammagittaalliuuteqartarfiup ileqqoreqqusassaatut siunnersuut ilanngunneqartoq akuersissutigineqassasoq
- Iserit A/S-imi aamma Nuuk City Development A/S-imi immikkut ittumik ataatsimiigiaqqusineq akuersissutigissagaat matumani aalajangiussaq nalunaarutigalugu aamma akuersissutigineqassasoq
- immikkoortoq 3 malillugu ataatsimiigiaqqusineq ilimasaaraluni pisariaqanngitsoq pissasoq
- kommunaldirektørip Ole Jakobsenip ataatsimiinnermi peqataasinnaatitaanermini piginneqataasoq sinnerlugu taasisinnaatitaanini atorsinnaagaa akuersissutigineqassasoq
- ineqarneq pillugu naammagittaalliuuteqartarfimmi siulittaasussamik kiisalu siulittaasumut sinniisussamik toqqaanissamut kommunaldirektøri pisinnaatinneqassasoq
- ineqarneq pillugu naammagittaalliuuteqarfimmi allatseqarfik pilersinneqassasoq sulisulersorlugulu
- suliaq inaarutaasumik aalajangiiffigisassanngorlugu Kommunalbestyrelsimut ingerlateqqinneqassasoq

Inassuteqaat akuersissutigineqarpoq.

Kommunalbestyrelse, 23.11.21:

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ineqarneq pillugu naammagittaalliuuteqartarfimmik Kommuneqarfik Sermersuup inissiatini attartortittagaanni Iserit A/S-imut Nuuk City Development A/S-imullu tunniunnerisa nalaanni attartortut naammagittaalliuutaannik tunniunneqartunik suliarinnissinnaasumik pilersitsineq akuersissutigineqassasoq
- Ineqarneq pillugu naammagittaalliuuteqartarfiup ileqqoreqqusassaatut siunnersuut ilanngunneqartoq akuersissutigineqassasoq

- Iserit A/S-imi aamma Nuuk City Development A/S-imi immikkut ittumik ataatsimeersuarnissamut aggersaasoqarnissaa akuersissutigineqassasoq tassani aalajangiussaq nalunaarutigalugulu aamma akuersissutigineqassasoq
- imm. 3 malillugu aggersaaneq pisassasoq pisinnaasoqartinnagu aamma ilimasaarisoqartillugu
- Kommunaldirektør Ole Jakobsenip ataatsimeersuarnermi peqataasinnaatitaanermini piginneqataasoq sinnerlugu taasisinnaatitaanini atorsinnaagaa akuersissutigineqassasoq
- Ineqarneq pillugu naammagittaalliuteqartarfimmi siulittaasussamik kiisalu siulittaasumut sinniisussamik toqqaanissamut kommunaldirektøri pisinnaatinneqassasoq
- Ineqarneq pillugu naammagittaalliuteqarfimmi allatseqarfik pilersinneqassasoq sulisulersorlugulu

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 20.12.21:

Inassuteqaat akuersissutigineqarpoq.

Ilanngussaq

1. Ineqarneq pillugu naammagittaalliuteqartarfimmut ileqqoreqqusaq
2. Uunga siunnersuut Inissianik attartortitsisarneq pillugu Inatsisartut peqqussutaata allanngortinneqarnissaa pillugu Inatsisartut inatsisaat
3. Uunga siunnersuutip tusarniaassutigineqarnera - Inissianik attartortitsisarneq pillugu Inatsisartut peqqussutaata allanngortinneqarnissaa pillugu Inatsisartut inatsisaat
4. Siunnersuummut nassuiaatit

Kapisilinni Nuna eqqissisimatitaaq

Aalajangiiffigisassaaq

SagsID.: EMN-2020-30618

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Kapisillit eqqaanni Kuussuup (Austmannadalen) eqqissisimatitaanera annertusillugu Kapisillit eqqaanni kuup kapisillip ilanngunneqarnissaanut periarfissanik misissuinissamut tapersersuisoqassasoq

Suliamik saqqummiussineq

Naalakkersuisut, Kommuneqarfik Sermersuumi kommunalbestyrelsip inaarutaasumik tapersiinerata kingorna OLT-mi Kalaallit Nunaat Pillugu Aalajangiineq pillugit Kalaallit Nunaat pillugu Aalajangiineq malillugu EU-mit aningaasaliissutaasut tunngavigalugit Kapisilinni Nuna eqqissisimatitaasumik pilersitsinissamut atatillugu, EU-mut suliniummik suliaqarnissamut nassiussinissamullu qinnuteqaasiortoqarnissaa ulloq 15. decembari 2021-mi akuersissutigaa. Qinnuteqaat Kapisillit eqqaanni Nuna eqqissisimatitamik pilersitsinissamut periarfissanik misissuinikkut suliniummik aallartitsisuussaaq, tamannalu nutaamik nalunaaruteqalerneranik kinguneqarsinnaavoq. Tamanna ukiunik arlalinnik sivilissuseqarsinnaanera nalilernerqarpoq. Paasissutissat pigineqartut utaqqiisaasumik tassaagallarpit siunnersuut, suliniummut pilersaarutit il.il. Inaarutaasumik suliaq najugaqarfimmi suliaqartartut peqataatillugit suliarineqassaaq, suliniut taamaalinikkut najugaqarfimmi inuiaqatigiinnut naleqartitsinerulissammat kiisalu Kapisilinni ineriartorneq qulakkeerneqassalluni.

Ulloq 27. januaari 2022 suliniut nunaqarfimmi aqutsisunut tusarniaassutigineqarpoq, nunaqarfimmilu aqutsisut peqataatinneqajaarsimanertik qujassutigaa suliniummullu tapersiillutik.

Ilaatigut Kuussuup (Austmannadalen), 2008-mi Kuussuup (Austmannadalen) eqqissisimatitaanera pillugu Namminersornerullutik Oqartussat nalunaarutaat nr. 23, 14. juli 2008-imeersoq malillugu eqqissisimatitatut nalunaarsorneqarsimasup allilernerqarneratigut suliniut naammassineqarsinnaavoq. Ilanngussaq 1-mi maanna nuna eqqissisimatitaaq takuuk. Eqqissisimatitami piniarneq inerteqqutaanngilaq.

Naalakkersuisut suliniummi matumani nuna eqqissisimatitaareersoq annertusillugu Kapisilinni kuup ilanngunneqarnissaa sulissutigaa, tamatumunnga pissutaavoq kuuk Kalaallit Nunaanni kisiartaalluni immikkuullarissumi kapisileqarfiummat (Tassa imaappoq sumiiffimmi aalajangersimasumiipput). Kapisillit amerlanngillat sunnertiasuullutillu, kapisillilu Europami Amerika avannarlermillu kapisilinniit allaanerullutik. Maannakkut Kapisilinni kapisileqarfiit immikkut ittumik illersorneqanngillat, nunalu takornariat amerliartornerinit nunalerinermillu aarlerinartorsiortinneqarluni. Inatsisit attuumassuteqartut atuutilersinneqarneratigut nunami immikkoortumi uumassusillit assigiinngisitaarnerat illersorneqassapput, pingaartumillu kapisillit immikkuullarissut taakkulu kuup kapisileqarfiusut. Tamanna kapisillip, kapisilinni kuup kiisalu nunat kangerluillu atasut siunissamik ungasinnerusumik eqqarsaatiginnittumik puijuartitsisumik atorluarneqarsinnaaneriniq qulakkeerinillunilu periarfissiissaaq, matumani kangerlummut sermilimmut atatillugu siunissami takornariaqarnikkut ineriartortitsinermik puijuartitsisumik kiisalu piniarnermik puijuartitsisumik ingerlatsiinnarnissaaq ilanngullugit. Suliniut kapisileqarfimmut tunngatillugu ilisimasaniq annertusaanermik ingerlatitseqqiinnermillu pisinnaalersitsissaaq.



Sumiiffimmitaaq inunniit qallunaatsianiillu kulturikkut kingornussanik untritilinnik peqarpoq. Kulturikkut kingornussat "Kapisilinni Nuna eqqissisimatitaaq" pilersinneqarpat annertunerusumik maluginiarneqalissapput, illersorneqarnissaminnik periarfissaqalerlutik kiisalu sumiiffimmi pinngortitap kulturillu ataatsimut ingerlateqqinneqarnissaanut ilanngullutik.

Taamatuttaaq sumiiffiup Nunatut eqqissisimatitanngortinneqarnera takornariaqarnikkut ineriartortitsinermut kiisalu kangerlummi sermilimmi Eco-village-ssamut pitsaasumik sunniuteqaqateqartitsiumaartoq Ingerlatsiviup nalilerpaa. Nunat eqqissisimatitat takornariaqarfiusartut tamanit ilisimaneqarluarput taamaattumillu Kapisilinni Nuummilu takornariaqarnikkut ineriartortitsinermik naleqarnerulersitsissallutik. Taamaalinikkut nuna eqqissisimatitaaq, takornariaqarnikkut ineriartortitsinerup Nunatsinni pinngortitap immikkuullarissup kulturikkullu kingornussat oqaluttuarisaanermut attuumassutillit piujuartinneqarnissaannik qulakkeerinninnissaanik, qulakkeerinneqataassaaq, soorluttaaq pinngortitap kulturikkullu kingornussat pitsaanerusumik ingerlateqqinneqarnerat takornariaqarnermut naleqarnerulersitsissalluni.

Suliniuummi ingerlatsinermut pilersaarusiornissaaq ilaavoq. Nunami eqqissisimatitami soorlu tuttnik piniarnerup ingerlateqqinneqarnera kiisalu takornariaqarnikkut ineriartortitsinerup attaveqaatitigut taperseerineqarneratigut periarfissinneqarnera sammisassatut periarfissaasinnaapput. Suliniuummi ilaatigut soorlu kapisillit kuuanni ikaartarfiliornikkut, pisuttuarfissiornikkut aqqusinniornikkullu kiisalu takornarianut najukkamilu innuttaasunut iluaqutaasussanik tammaarsimaarfiliornikkut utaqqiisaasumik attaveqaasersuisoqassaaq.

Suliniuummut nassuiaat Kommuneqarfik Sermersooq suleqatigalugu Naalakkersuisunit suliarineqassaaq.

Ingerlatsivimmit aningaasatigut sulisoqarnikkullu naliliinerit

Sulisoqarnermut tunngatillugu Kommuneqarfik Sermersuumi ingerlatsivimmit, suliniutip naammassineqarnissaanut aqutsisooqatigiinnut, sinniisussamik toqqaasoqarnissaa naatsorsuutigineqarpoq. Suliniuummut aningaasartuutit EU-mut qinnutigineqarneri pissutigalugu Kommuneqarfik Sermersooq annertuumik aningaasartuuteqarnissaa naatsorsuutigineqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaaq allakkallu tunngaviusumik uppersaartatallit

- Kuussuup (Austmannadalen) eqqissisimatitaanera pillugu Namminersornerullutik Oqartussat nalunaarutaat nr. 23, 14. juuli 2008-meersoq.
- Pinngortitamik illersuineq pillugu Inatsisartut inatsisaat nr. 29, 18. december 2003-meersoq.
- Kommuneqarfik Sermersuup Inuussutissarsiornermut periusissiaa 2022-2026

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaaq, 03.02.22:

Inassuteqaat akuersissutigineqarpoq.

Ilanngussaaq

1. Maanna eqqissisimatitaasup nunap assinga

Kommuneqarfik Sermersuumi pisinnaatitsissutini atsiorsinnaatitaanernillu agguataarineq

Pisinnaatitsissutini pilersaarut atsiorsinnaatitaanermullu malittarisassanik nutarterineq

Aalajangiiffigisassaq

SagsID.: EMN-2022-00618

Suliffeqarfimmik Kiffartuussivik – vicekommunaldirektøri Marie Fleischer / MAFL

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatiga:

- Kommuneqarfik Sermersuumut piginnaatitsinermik agguataarinissamut pilersaarut nutartigaq akuerineqassasoq
- Kommuneqarfik Sermersuumi atsiorsinnaatitaanermut periusissaq nutaaq akuersissutigineqassasoq, *Atsiorsinnaatitaanermut pisinnaatitaaffiit* pillugit allakkami allaaserineqarneratut

Suliamik saqqummiussineq

Suliffeqarfimmik Kiffartuussiviup Kommuneqarfik Sermersuumi Piginnaatitsinermik agguataarinerup nutarterneqarnissaa pisariaqalersutut nalilerpaa.

Piginnaatitsinermik agguataarinissamut pilersaarummi tamanut atuuttussami takuneqarsinnaavoq, aalajangiisinaanermut piginnaatitsissutit Kommunalbestyrelsip, ataatsimiititat allaffeqarfiullu akornanni qanoq agguataarneqarsimanersut. Piginnaatitsinermik agguataarinissamut pilersaarummi ingerlatsivinni tamani qinikkanik sullissinerup assigiissarnissaata malinnaaffigilluarnissaa qulakkeerneqassaaq, aammalu suliani ataasiakkaani kikkut aalajangiinissamut piginnaatitaaneriniq nalornisoqarsinnaanera pinaveersaartinneqassalluni.

Piginnaatitsinermik agguataarinermut pilersaarut pisortat ingerlatsivinnilu ataasiakkaani aqutsisut oqaloqatigereerlugit, kiisalu ingerlatsivinni piginnaatitsinermik agguataarinissamik pilersaarut siornatigullu suliamik saqqummiussat aammalu Kommuneqarfik Sermersuumi Aqutsinermi lleqqoreqqusat naapertorlugit suliarineqarpoq.

Piginnaatitsinermik agguataarinissamut pilersaarut kingullermik nutarterneqarpoq kommunalbestyrelsip nutaap juuni 2021-imi inissitsiterluni ataatsimiinneranut atatillugu.

Allaffissornermi suleriaatsit sukaterneqarnissaa kissaatigineqarnikuuvoq, aammalu politikerit allaffeqarfiullu akornanni piginnaatitsinermi qaffasissutsip eqqortuunissaa qulakkeerneqassasoq. Taamaattumik piginnaatitsinermik agguataarinissamik pilersaarut ingerlatsivinni ataatsimiititanilu susassaqtuni suliarineqartarsimavoq. Piginnaatitsinermik agguataarinissamut pilersaarummi allannguutit tabel 1-mi takuneqarsinnaapput, aammalu ilanngussaq 1-imi nalunaqutsigaallutik.

Suliffeqarfimmik Kiffartuussivik tamatuma saniatigut Kommuneqarfik Sermersuumi atsiorsinnaatitaanermut piginnaatitsinermik pilersaarummik suliaqarpoq. Atsiorsinnaatitaanermut piginnaatitsinermik pilersaarummi nassuiaatigineqarpoq isumaqatigiissuteqarnermi atsiogatigiinnermilu kikkut atsiorsinnaatitaanersut.

Atsiorsinnaatitaanermut piginnaatitsinermik pilersaarummi siunertarineqarpoq qulakkiissallugu, isumaqatigiissutit atsiogatigiissutillu, aningaasatigut aamma/imaluunniit inatsisitigut kommunimi pituttorsimasut aqqissuussinermi qaffasissutimi eqqortumi aalajangiiffigineqarsimanissaat

isumaqatigiissuteqarfigisimanissaallu. Taamaasilluni allaffeqarfimmi paasilluarneqarniassammat, isumaqatigiissut atsioqatigiissullu qaqugukkut politikkikkut suliarineqassanersoq, aammalu qaqugu aalajangiiffiqineqassanersoq taavalu pisortamit fagchefimillu atsiorneqassanersoq.

Ingerlatsivimmit aningaasatigut sulisoqarnikkullu naliliinerit

Piginnaatitsinermik agguataarinissamut pilersaarutip nutartikkap atsiorsinnaatitaanermullu piginnaatitsinissamik pilersaarutip nutaap qulakkiissavaat, pisortat fagchefillu siunissami isumaqatigiissuteqarlutillu atsioqatigiissuteqartassasut, sivisuumik aningaasatigut inatsisitigullu kommunimut atuuttussanik, tamassuma siornagut politikkikkut suliarineqanngikkaluartunik.

Allaffeqarfimmut malittarisassat nutaat qulakkeertariaqarpaat kommunimi missingersuutit atuinerullu ammanerunissaat, peqatigitillugulu pilersinneqassalluni aningaasaqarnerup pitsaanerusumik malinnaaffiqineqarnissaa aqunneqarnissaa - allaffissornikkut politikkikkullu.

Suliffeqarfimmik Kiffartuussivimmit aningaasatigut naliliineq

Qulaani oqaaseqaammi allassimavoq.

Inatsisitigut tunngavissaq allakkallu tunngaviusumik uppersaataitallit

- Kommunit aqunneqarnerat pillugu Inatsisartut inatsisaat nr. 29, 17. november 2017-meersoq
- Kommuneqarfik Sermersuumut piginnaatitsinermik agguataarinissamut pilersaarut

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 03.02.22:

Inassuteqaat akuersissutigineqarpoq.

Ilanngussaq

1. Kommuneqarfik Sermersuumi Piginnaatitsinermik agguataarinissamut pilersaarut januaari 2022-meersoq
2. Kommuneqarfik Sermersuumi atsiorsinnaatitaanermut piginnaatitsinerit

Kiffartuussinermi isumaqatigiissut DEG (Destination East Greenlandip)

Aalajangiiffigisassaq

SagsID.: EMN-2022-00340

Suliffeqarfimmut Kiffartuussivik - kommunaldirektøri Ole Jakobsen / OJAK

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- akuersissutigineqassasoq, aningaasat 573.000 kr.-nit, 2022-mut missingersuutitut Destination East Greenland-imut kiffartuussinissamik isumaqatigiissuteqarnermut immikkoortinneqartut, Tunumi Sermersuumi Inuussutissarsiornermut immikkoortortamit takornariaqarnermi ineriartortitsinermut atorneqassasut
- akuersissutigineqassasoq, Sermersuumi Inuussutissarsiornermut immikkoortortap Tunumi Inuussutissarsiornermut Siunnersuisooqatigiit tamaani inuussutissarsiutillit suleqatigalugit Tunumi Destination Management Organisation DMO-p (Destination Management Organisation) ingerlannissaanut nutaamik ilusilersuissasut
- Destination East Greenland-imit kiffartuussinissamik isumaqatigiissutitut siunnersuut ilanngussaq 1-imiitqoq itigartissutigineqassasoq

Suliamik saqqummiussineq

Ulloq 20. decembari 2021-mi Aningaasaateqarfik Destination East Greenland mailikkut ingerlatsivimmut nalunaaruteqarpoq aningaasaateqarfik atorunnaassasoq Civilstyrelsen-imut qinnuteqaatigisimallugu siulersuisullu taamaalillutik aningaasaateqarfiup matunissaa pillugu aalajangerput. Aningaasaateqarfiup atorunnaarsinneqavinnissaata tungaanut utaqqinngikkaluarluni Tunumi takornariaqarneq pillugu nutaamik piaarnerpaamik aqqissuussivigineqassasoq najukkami takornarialerisunut pitsaanerpaassasoq ingerlatsivimmit nalilerneqarpoq.

Aningaasaateqarfik Destination East Greenland Kommuneqarfik Sermersuumit 2009-mi pilersinneqarpoq siunertarlugu, Tunumi kulturikkut attanneqarsinnaasumik takornariaqarnikkut ineriartortitsinissamut pitsaanerpaamik toqqammavissaqalersitsinissaq. Aningaasaateqarfiup siunertaraa takornariaqarnerup iluani suliffeqarfimmik inerisaaneq, pilersitsineq utaqqiisaasumillu ingerlatsineq.

Kommuneqarfik Sermersuup aningaasaateqarfik akilerpaa Tunumi DMO-mik ingerlatsinerup ukioq ataaseq kiffartuussinermik isumaqatigiissuteqarfigalugu isumaginarlugu, taavalu aningaasateqarfik saniatigut isaatitsilaarnikuuvoq Tasiilami pisiniarfimmik ingerlatsinermigut. 2015-imi Deloitte´mit aamma Malling & Hansen Damm´imit nassuiaammik paasinarsivoq kiffartuussinissamik isumaqatigiissummi aningaasaliissutit pisiniarfimmik ingerlatsinermut atorneqannginnissaannik ajornakusoortitsisoqartoq, taakkuami immikkoortinneqartariaqarmata uppersaateqarniassammat, kiffartuussinissamik isumaqatigiissut malinneqartoq, aammalu unioqqutitsisumik ingerlatsinermut tapiissuteqartoqanngitsoq. Tamatuma kingunerisaanik Destination East Greenland qaammatit pingasukkaartumik kiffartuussinissamik isumaqatigiissummi aningaasaliissutit sumi atorneqarneri pillugit nalunaarusiortalerpoq. 2021-mut kiffartuussinissamik isumaqatigiissut 574.000 kr.-nik aningaasartaqarpoq makkununga atugassanik:

- Takornarianut paasisutissiivimmik & takornarianut nalinginnaasumik paasisutissiinermut ammatitsisarneq kr. 302.000
- Takornarianut paasisutissanik suliaqarneq kr. 33.000
- Nittartakkakkut Facebookikkullu nittarsaassineq kr. 124.000



- Kulusummi takornarianut paasissutissiivik kr. 31.000
- Saqqummersitsinermi peqataaneq 84.000

Suliassat ataasiakkaat naammassineqassanngippata, Kommuneqarfik Sermersooq kiffartuussinissamik isumaqatigiisummi immikkoortoq 3.2. malillugu akiliutit utertinneqarnissaannik qinnuteqaateqarsinnaavoq. 2021-imut kiffartuussinissamik isumaqatigiissut ilanngussaq 2-miittoq aammalu ilanngussaq 3-mi kiffartuussinissamik isumaqatigiisummi ilanngussaq takukkit.

Ukiuni arlalinni Destination East Greenland-ip aningaasaqarniarnera ilungersunartorsiorititsisarsimavoq. 2018-imut aamma 2019-mut ukiumoortumik naatsorsuutit Destination East Greenland-ip aatsaat februaarip ulluisa arfineq-pingajuanni 2021-imi tunniuppai, taamaattumillu Kommuneqarfik Sermersuup 2021-mut kiffartuussinissamut isumaqatigiisummi piumasaqaataasut malillugit aningaasanut tunniunneqartussanut piumasaqaatigaa, naatsorsuutit kinguaattoorutaasut tunniunneqaqqaarnissaat. 2020-mut naatsorsuutit aamma kinguaattooqqapput, taakkulu novembarip ulluisa arfineq-pingajuanni 2021-imi akuersissutigineqarput. 2020-mut ukiumoortumik nalunaarusiaq suliluarineqanngilaq, ingerlatseqqiinnarnissaq siunertaralugu, siulersuisullu allapput, aningaasaateqarfiup atorunnaarsinneqarnissaa sulissutigineqartoq, tamannalu aamma pillugu 2021 ataavartumik oqaloqatigiissuteqartoqartareerpoq. 2020-mut ukiumut nalunaarusiami ilanngussaq 4-mi kukkunersiuisut uppersaasiinerata aamma naatsorsuutini ilanngussineq uuttuinerlu pillugit nalorninartumut aqutsisut nalunaarutaanni immikkoortumiittut takukkit.

2021 tamakkerlugu Destination East Greenland ingerlanneqaannassanersoq nalornissutaangaatsiarsimavoq, taamaattumillu ingerlatsiviup Destination East Greenland-ip 2022-mi kiffartuussinissamik isumaqatigiissuteqarfigeqqinneqarnissaa innersuussutigiumasimannngilaa, Kommunit inuussutissarsiutini il.il. aningaasaliinermikkut inuussutissarsiutinik ineriartortitseqaatanissaminnut periarfissaat pillugit Inatsisartut inatsisaat nr. 23, 18 december 2003-meersoq naaportorlugu kommunip aningaasaatai suliffeqarfinnut amigartooruteqarfiusunut matussusiinissamut atoqqusaanngimmata. Decembarip ulluisa 20-anni 2021-mit Destination East Greenland-ip Kommuneqarfik Sermersuumut nalunaarutigaa, siulersuisut aningaasaateqarfiup atorunnaarneqarnissaa civilstyrelsimut qinnuteqaatigisimagaat.

Ingerlatsiviup nalilerpaa, Tunumut DMO-tut atuuffik siunissami Sermersuumi Inuussutissarsiornermut immikkoortortap Tunumi Inuussutissarsiornermut Siunnersuisooqatigiit suleqatigalugit ingerlatissappagu pitsaanerussasoq. Inuussutissarsiornermut Siunnersuisooqatigiit suliaq pillugu decembarip ulluisa arfernanni 2021 ilisimatinneqarput, taakkulu Sermersuumi Inuussutissarsiornermut immikkoortortap Tunumi Inuussutissarsiornermut Siunnersuisooqatigiit suleqatigalugit DMO-mik atuuffiup ingerlanneqalernissaa taperserlugu. Sermersuumi Inuussutissarsiornermut immikkoortortap Nuummi DMO-tut atuuffiit isumagisarpai nalilerlugulu, immikkoortortami tassani DMO-tut atuuffiit arlallit ingerlanneqarpata sunnuteqarluarsinnaasoq. Sermersuumi Inuussutissarsiornermut immikkoortortap Tunumi Inuussutissarsiornermut Siunnersuisooqatigiit suleqatigalugit Tunumi DMO-tut atuuffimmik nutaamik ilusilersuimavoq.

Sermersuumi Inuussutissarsiornermut immikkoortortaq Destination East Greenland-imi siulersuisut kissaataa malillugu aningaasaateqarfiup atorunnaarsinnissaanut ikiuussinnaavoq. Aningaasaateqarfiup atorunnaarsinnaanut ukiut 2-3-t ingerlanissaa ingerlatsiviup naatsorsuutigaa, Aningaasaateqarfik Sermersooq Business Council-ip atorunnaarsinnerani misilittakkat tunngavigalugit.

Destination East Greenland-ip killormut nalilerpaa, iluaqutaassasoq, Destination East Greenland-ip DMO-tut atuuffik aningaasaateqarfiup matujartuaarnerani isumagissappagu aammalu 2022-mut kiffartuussinissamik isumaqatigiissutissatut siunnersuusiorsimalluni, 1.032.000 kr.-nik aningaasartalimmik, imatut agguataarneqartumik:

- Sulisunut aningaasartuutit 660.000 kr.
- Vestnorden Travel Mart - Nuummi peqataaneq 45.000 kr.
- Siulersuisut isumasioqatigiissinneqarnerat 55.000 kr.
- Ingerlatsinermermi aningaasartuutit 72.000 kr.
- DMO, tuniniaaneq ineriartortitsinerlu 200.000 kr.

Ingerlatsiviup nalilerpaa, sulisunut aningaasartuutininik, siulersuisut isumasioqatigiinnerinut ingerlatsinermullu aningaasartuutininik matussusiinissaq inatsisitigut tunngavissaqarnerisq ersernerluttoq, aningaasartuutit takornariaqarnermi ineriartortitsinerlut imaluunniit pisiniarfimmik ingerlatsinermut atorineqarsimanersut allassimanngimmat. Pisiniarfimmik ingerlatsinissamut inatsisitigut tunngavissaqanngilaq. Tassunga atatillugu aningaasat qinnuteqaatigineqartut missingersuutitassaat akuersissutigineqanngillat. Ilanngussaq 1 takuuk.

Ingerlatsiviup nalilerpaa, Tunumi DMO-tut atuuffiup Sermersuumi Inuussutissarsiornermut immikkoortortamit pitsaannerusumik ingerlanneqarsinnaasoq, missingersuutit pioreersut 2022-mi Destination East Greenland 573.000 kr.-nik aningaasartallit Tunumi DMO-tut atuuffimmut atugassiissutigineqarpata, aammalu Destination East Greenland-imut kiffartuussinissamik isumaqatigiissut itigartissutigineqarpat. Aningaasaateqarfiup atorunnaarsinneqavinnissaata tungaanut utaqqinngikkaluarluni Tunumi takornariaqarnek pillugu nutaamik piaarnerpaamik aaqqissuussivigineqassasoq najukkami takornarialerisunut pitsaanerpaassasoq ingerlatsivimmit nalilerneqarpoq.

Ingerlatsivimmit aningaasatigut sulisoqarnikkullu naliliinerit

Inassuteqaat Sermersuumi Inuussutissarsiornermut immikkoortortamit missingersuutit pioreersut iluanni suliarineqassaaq. Sermersuumi Inuussutissarsiornermut immikkoortortaq Tasiilami ataatsimik sulisoqarpoq, Sermersuumi Inuussutissarsiornermut immikkoortortami sulisut sinneri suleqatigalugit suliassamik suliarinnittussamik. Immaqa aamma Tasiilami sulisoq ilaneqarsinnaavoq, tamannalu Sermersuumi Inuussutissarsiornermut immikkoortortami missingersuutit iluanni naammassineqarsinnaalluni.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Kommunit inuussutissarsiutini il.il. aningaasaliinermikkut inuussutissarsiutinik ineriartortitseqataanissaminut periarfissaat pillugit Inatsisartut Inatsisaat nr. 23, 18. december 2003-meersoq

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 03.02.22:

Justus Hansen (D) suliamut attuumavallaarluni ataatsimiittarfimmit anigallarpog.

Inassuteqaat akuersissutigineqarpoq.

Ilanngussaq

1. 2021-mut DEG-p Kiffartuussinissamik isumaqatigiissutissatut qinnuteqaataa INAARUTAASOQ
2. Kiffartuussinissamik isumaqatigiissut atsiugaq DEG 2021
3. DEG-mut 2021 Kiffartuussinissamik isumaqatigiissummut takussutissiaq
4. 2020 ukiumut nalunaarusiaq
5. Atorunnaarsitsinissamut qinnuteqaat



Ukiumoortumik naatsorsuutit 2020 – Naatsorsuutit inaarneqarneri kukkunersiuusut oqaaseqaataannik imallit

Aalajangiiffigisassaq

SagsID.: EMN-2021-11436

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ukiumut naatsorsuutit 2020 inaarutaasumik akuersissutigineqassasut (ilanngussaq 1-3)
- kukkunersiuusut nalunaarutaat 2020 tusaatissatut tiguneqassasoq (ilanngussaq 4)
- kukkunersiuusut nalunaarutaannut nassuiaat tusaatissatut tiguneqassasoq (ilanngussaq 5)

Suliamik saqqummiussineq

Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq malillugu Aningaasaqarnermut Inuussutissarsiornermullu Ataatsimiititaq naatsorsuutit Kommunalbestyrelsimut saqqummiussisassaaq, tassanngaanniillu ukiumoortumik naatsorsuutit kukkunersiuusut ingerlateqqinneqassapput. Tamanna pivoq AIA-mi 20. maaji 2021 aamma Kommunalbestyrelsimi 1. juuni 2021.

Tulliullugu kukkunersiuusut ukiumut naatsorsuutit misissuissapput oqaaseqaatiminnillu inerniliinerminnillu saqqummiussillutik.

Kukkunersiuusut oqaaseqaataat inerniliinerallu kukkunersiuusut oqaaseqaataanni 16. decembari 2021-mik ullulerneqarsimasut ilanngussami takuneqarsinnaapput.

Tamatuma kingorna Aningaasaqarnermut Inuussutissarsiornermullu Ataatsimiititap kommunip inaarutaasumik naatsorsuutit kukkunersiuusut nalunaarutitaannik ilallit akissuteqarnerannullu oqaaseqaatitallit Kommunalbestyrelsimut inaarutaasumik akuersissuteqartussamut saqqummiutissavai.

Tamatuma kingorna Naalakkersuisunut pisortatigoortumik nassiunneqassapput inaarutaasumillu akuersissutigineqarnerinit kingusinnerpaamik ullut 14-it qaangiuppata kommunip nittartagaatigut tamanut saqqummiunneqassapput.

Kommunalbestyrelsip 1. juuni 2021-mi ataatsimiinnermini 2020-mut ukiumoortumik naatsorsuutit oqaluuserai kukkunersiuusunullu nassiunneqarnissaat akuersissutigalugu.

Ukiumoortumik naatsorsuutit kukkunersiorneqarlutik inaarneqareerput, maannalu oqaluuserisassatut saqqummiunneqarput:

- 2020-mut ukiumoortumik naatsorsuutit
- 2020-mut kukkunersiuusut nalunaarutaat
- 2020-mut kukkunersiuusut nalunaarutaannut akissuteqaatitut oqaaseqaat



Ingerlatsivimmit aningaasatigut sulisoqarnikkullu naliliinerit

2020-mi naatsorsuutit ataatsimut isigalugit 36,4 mio. koruuninik sinneqartooruteqarput, nammineerlunilu aningaasaatit 2.006,8 mio. koruuniullutik.
2020-mi ukiup naanerani karsimiittuutit 47,9 mio. koruuniupput.

Aamma ukiumut naatsorsuutitut kiisalu kukkunersiuutit oqaaseqaataannut suliami ilanngunneqartunut innersuussuteqartoqarpoq makkuusut:

1. 2020 ukiumut nalunaarusiaq
2. Ukiumut nalunaarusiamut ilanngussaq 1 – ingerlatsinermut naatsorsuutitut oqaaseqaatit
3. Ukiumut nalunaarusiamut ilanngussaq 2 - sanaartornermut naatsorsuutitut oqaaseqaatit
4. Kukkunersiuutit nalunaarutaat 2020
5. Oqaaseqaat - Kukkunersiuutit oqaaseqaataasa akissuteqarfiginerat

Kukkunersiuinermi kommunip naatsorsuutitut ingerlatsinera pillugu arlalinnik oqaaseqaateqarpoq, erseqqissarneqassaaarli siorna naatsorsuutitut sanilliullugit ersarissumik pitsanngoriaateqarmat.

Kukkunersiuineq taamaalillugu 2020-mi naatsorsuutit immikkut isiginagit kukkunersiorneqarnerat oqaatigineqarpoq, tamannalu kukkunersiuusumit imatut nalilernerqarpoq, issuaaneq:

"...Isumaqarpugut, ukiumut naatsorsuutit pingaarutilinni tamani eqqortumik isikkoqartut, ima paasillugu Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq (Missingersuutit pillugit inatsit) naapertorlugu suliaasut"

Imm. 2.1 innersuussutigalugu Kukkunersiuusup arlaannaannulluunniit attuumassuteqanngitsup kukkunersiuinermi uppersarsaanera, kukkunersiuinermi nalunaarusiamiittoq.

Kukkunersiuinermi pissutsinut arlalinnut oqaaseqaateqartoqarpoq, tassani allaffeqarfik suliniutit pillugit nassuiaassaaq oqaaseqaatit iliuuseqarfiginiarlugit.

Kukkunersiuinermi oqaaseqaatit kukkunersiuinermi nalunaarusiami 3.1-imi aamma 3.2-mi ersersinneqarput.

Kukkunersiuinermi 2020-mut naatsorsuutit pillugit, pissutsit nutaat marluk oqaaseqaateqarfigineqarput. Takkua kukkunersiuinermi nalunaarusiami imm. 3.1-imi ersersinneqarput.

Kukkunersiuinermi aamma kukkunersiuinermi oqaaseqaatinut 13-inut ukiumi siusinnerusukkat uparuarneqartunut malitseqartitsisoqarpoq.

Ukiumi siusinnerusukkat oqaaseqaatigineqartut marluk matuneqarput, taakku allaffeqarfimmit iluarsineqarsimmata, taamaalillunilu kukkunersiuusooq oqaaseqaatissaarulluni.

Oqaaseqaatit 11-t 2021-mut nuunneqarput, kukkunersiuusooq naliliimmat ukiumi naatsorsuusiortusumi 2020-mi iluarsiiqqineqarsinnaaneri ilimanaateqartoq.

Allaffeqarfiup oqaaseqaatai akissutitut nassuiaammi atuarneqarsinnaapput.



Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussiviip naliliineq naapertorlugu naatsorsuutit kukkunersuiisunit nalunaarusiartallit tamaat isigalugu eqqortuusut nalilerpaat.

Taamaammat inassuteqaat akuersissutigineqassasoq innersuussutigineqarpoq.

Inatsisitigut tunngavissaq allakkallu tunngaviusumik uppersaataitallit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq
- Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersuiisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 3, 3. februar 2012-imeersoq
- Kommunip Aqutsinermi lleqqoreqqusai
- Kommunip piginnaatitaanermut pilersaarutaa

Siusinnerusukkut aalajangiinerit

Aningaasaqarnermut Inuussutissarsiornermullu Ataatsimiititaq, 03.02.22:

Inassuteqaat akuersissutigineqarpoq, imatut oqaaseqaatitalerlugu:

Immikkoortoq 3.2-mi oqaaseqaatit ukiuni tullerni (2-3) malitseqartinneqarnissaat (matuneqarnissaat) kissaatigineqarpoq.

Ilanngussaq

1. 2020 ukiumut nalunaarusiaq
2. Ukiumut nalunaarusiamut ilanngussaq 1 – ingerlatsinermut naatsorsuutitut oqaaseqaatit
3. Ukiumut nalunaarusiamut ilanngussaq 2 - sanaartornermut naatsorsuutitut oqaaseqaatit
4. Kukkunersuiisut nalunaarutaat 2020
5. Oqaaseqaat - Kukkunersuiisut oqaaseqaataasa akissuteqarfiginerat

Tunami nunaqarfinni neqeroorutip, angerlarsimaffimmi paarsisarnermut aaqqissuussinert, allanngortinnera

Tasiilap nunaqarfiini 0-3-nut ukiulinnut paarsinissamik neqeroorummik pilersitsineq

Aalajangiiffigisassaq

SagsID.: EMN-2021-16054

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Nunaqarfinni neqeroorut akuerineqassasoq: Sermiligaami, Kuummiini, Tiilerilaami aamma Isertumi angerlarsimaffimmi paarsinermut aaqqissuussinermut allanngortinneqassasoq
- Kulusummi angerlarsimaffimmi paarsisarnermut aaqqissuussap ammasarfiinik inuttaqartinneqarneratalu allanngortinneqarnissaat akuerineqassasut, inatsit malillugu

Suliassamik saqqummiussineq

Tasiilap nunaqarfiini meeqqanut 0-3-nut ukiulinnut paarsinissamik neqeroorutit amigaataapput. Tamanna angajoqqaajusunut suliffilinnut kipiluttunarluinnartuuvoq. Ingerlatsivimmit kissaatigineqarpoq nunaqarfinni mikisunik meerallit illoqarfinmi paarsisarnermut periarfissaat assigalugit periarfissaqartinneqarnissaat.

Meeqqanut Atuarfeqarnermullu Ingerlatsiviup taamaattumik innersuussutigivaa, nunaqarfinni Sermiligaami, Kuummiini, Tiilerilaami aamma Isertumi meeqqanut 3-niit 5-inut ukiulinnut neqeroorutigineqareersut angerlarsimaffimmi 0-5-inut ukiulinnut angerlarsimaffimmi paarsisarnermik aaqqissuussanngortinneqassasoq ammarsarfialu ullumikkut 08.00-imiit 15.00-imut, 08.00-imiit 16.00-imut sivitsorneqassasoq.

Ingerlatsiviup ilanngullugu innersuussutigivaa, Kulusummi angerlarsimaffimmi paarsisarnermik aaqqissuussaaq, meeqqanut 0-imiit 5-inut, aamma akunnermik ataatsimik sivitsorneqassasoq ullumikkut 8.00 - 15.00-imut ammasarteq 8.00 - 16.00-imut sivitsorlugu.

Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit inatsisartut inatsisaat nr. 16, 3. december 2012-imeersoq kap. 4 aamma 5 malillugu nunaqarfinni neqeroorut meeqqanut suli atualinngitsunut akeqanngitsumik neqeroorutaavoq. Neqeroorut Sermiligaami, Kuummiini, Tiilerilaami aamma Isertumi meeqqanut 3-5-inut ukiulinnut sammitinneqarpoq, takuuk misiliummik aaqqissuussineq "Nunaqarfinnut aaqqissuussineq", 24. septembari 2010-mi akuerineqartoq (ilanngussaq 2). Aaqqissussami 0-2-nik ukiullit ilanngunneqarsimannginnerinut pissutaavoq, sulisunik perorsaasarnermik ilinniagalinnik pissarsisinnaasimannginneq aamma pissarsiarineqarnissaannut illumik pilersitsisinnannginneq. Nunaqarfinni neqeroorutini inersimasut akissarsiaqartinneqassapput angerlarsimaffimmi paarsisarnermut aaqqissuussineq malillugu. Ingerlatsineq kommunimit akilernerqartarpoq.

Angerlarsimaffimmi paarsisarnermik aaqqissuussinermi paarsisartut meeqqanik 4-nik 0-5-inut ukiulinnik paarsinissamut akuerisaapput. Angerlarsimaffimmi paarsisarneq akeqarpoq kommunalbestyrelsillu aalajangigaanik malittarisassat atuuttut malillugit akiliisoqartarpoq. Angerlarsimaffimmi paarsisarteq ataaseq qaammammut 20-23.000 kr.-t missaanik akeqarpoq (ukiumut 275.000 kr.-t miss.). Nunaqarfinni angerlarsimaffimmi paarsinermik aaqqissuussiffiusuni paarsisartut kommunimit kommunip illuutaasa ilaanni katersorneqarsinnaapput.

Isertumi, Tiilerilaami, Kuummiuni Sermiligaamilu nunaqarfinni neqeroorutit aamma Kulusummi angerlarsimaffimmi paarsisartunik aaqqissuussineq kommunip illuutaaniitsinneqarput Dr. Ingrid-illu

Meeqperiviani aqutsisumit aqunneqarlutik. Aningaasaqarneq akisussaaffigivaa assigiinngitsunillu pisisarpoq, soorlu nerisassat, pinngussat allallu. Taanna nunaqarfinni neqeroorutini angerlarsimaffimilu paarsisarnermik aaqqissuussinermi sulisunik nakkutiginnittuuvoq, ilitsersuisuullunilu tapersersuisuuvoq. Inatsisit atuuttut naapertorlugit taamatut iliortoqassaaq. Nunaqarfinni neqeroorutitut angerlarsimaffimilu paarsisunut aaqqiissutit meeqqat utaqquisut amerlassusaat malillugu naleqqussarneqartassapput. Tamanna ukiuni arlalinni ingerlalluarpoq.

Ingerlatsivimmit aningaasatigut sulisoqarnikkullu naliliinerit

Nunaqarfinni neqeroorutit angerlarsimaffimmi paarsisarnermik aaqqissuussanngortinneqarnissaani tulluuttut pisariaqartinneqarput:

Illuni, nunaqarfinni neqeroorutit inissisimaffiini, nerriviit, nangilersuisarfiusut assigisaannullu, qullartillugillu ammoortinneqarsinnaasut, pisiarineqassapput.

Pedelimut akunnerit akunnermik ataatsimik amerlineqassapput, imertarnermut uulialersuinnermut il.il.

Siniffinnik taakkunungalu qipinnik allanillu kiisalu meeraaqqanut pinngussanik pisoqassaaq. Nerisaqartitsinnermut eqqiluissarnissamullu atortussanut missingersuutit qaffanneqassapput.

Tiilerilaami, Sermiligaami, Kulusummi aamma Kuummiini angerlarsimaffimmi paarsisartunik amerlanerusunik pissarsinissaq pisariaqarpoq.

Aammalu Kuummiini Sermiligaamilu illunik nutaanik, angerlarsimaffimmi paarsisarfissanik, ullumikkut aaqqissuussinnermut inissaqartinneqanngitsunik, nassaarnissaq pisariaqassaaq. Nassuiaanerli uani suliasamik saqqummiussinermi ersersinneqarnavianngilaq, apeqqutaassammat illoqareernersoq siunertamut naleqquttunik imaluunniit nutaanik sanaartortoqassanersoq.

Angerlarsimaffimmi paarsisartunik pilersitsinnermut atatillugu ingerlatsinnermut aningaasartuuteqarnerulerneq (missiliukkat):

Nunaqarfik	Nunaqarfinni meeqqat massakkut paarsisarfimmiinngitsut amerlassusii:	Saniatigut sulisussat meeqqat nunaqarfinni najugallit tamarmik inissamik neqeroorfigineqassap pata:	Saniatigut sulisunut akissarsianut aningaasartuutit:	Saniatigut nerisitsineq + perorsaannermut atortut + illumik ingerlatsineq (2020-mi meeqqamut ataatsimut 11.000):
Isertoq	3	+0	0 kr.	33.000 kr.
Tiilerilaaq	3	+1	275.000 kr.	33.000 kr.
Sermiligaaq	12	+3	825.000 kr.	132.000 kr.
Kuummiit	14	+4	1.100.000 kr.	154.000 kr.
Kulusuk	10	+2	550.000 kr.	110.000 kr.
Katillugit	42	+10	2.750.000 kr.	462.000 kr.
Ingerlatsinnermi aningaasartuutit ukiumut amerleriaataat katillugit				3.212.000 kr.

Allat ataasiartumik aningaasartuutit (missiliorlugit) angerlarsimaffimmi paarsisartunik pilersitsinermut atatillugu:

Nunaqarfik	Nunaqarfimmi meeqqat massakkut paarsisarfimmiinngitsut amerlassusii:	Meeqqamut ataatsimut pequtunut saniatigut aningaasartuutit meeqqat tamarmik inissamik neqeroorfigineqassagaluarpata (meeqqamut ataatsimut 10.000 kr.):
Isertoq	3	30.000 kr
Tiilerilaaq	3	30.000 kr
Sermiligaaq	12	120.000 kr.
Kuummiit	14	140.000 kr.
Kulusuk	10	100.000 kr
Katillugit	42	420.000 kr.

Siunnersuut akuerineqassagaluarpat, ingerlatsiviup TB (ilassutitut aningaasaliissutit) qinnutigissavai taassuma piviusunngortinnissaa pillugu.

Suliffeqarfimmut Kiffartuussivimmit aningaasatigut naliliineq

2022-mut missingersuutini akuersissutigineqartuni angerlarsimaffimmi paarsisarnermut aaqqiissummut nunaqarfinni kommunip neqeroorutaata allanngortinneqarnissaanut aningaasanik immikkoortitsisoqarnikuunngilaq. 2022-mut missingersuutini nunaqarfinni neqeroorutaasup ingerlanneqarneranut maannakkut periuseq atorineqartoq naapertorlugu 2,25 mio. koruuninik immikkoortitsisoqarnikuuvoq.

Tunumi nunaqarfinni angerlarsimaffimmi paarsisarnermut aaqqiissutit atulersinneqarnissaat akuersissutigineqassappat, ukiumut ingerlatsinermut aningaasartuutit kiisalu angerlarsimaffimmi paarsisartoqalernermut atatillugu ataasiartumik aningaasartuutit matussuserniarlugit TB1-imi Meeqqanut Atuarfeqarnermullu Ingerlatsivik 3,6 mio. koruuninik qinnuteqartariaqassaaq. Tunumi angerlarsimaffimmi paarsisussanik peqalernissamut aningaasaliissuteqarnerunikkut kommunip siunertamut 03.01.01 Angerlarsimaffimmi paarsisartunut aningaasartuutai marloriaatinngussapput.

Inatsisitigut tunngavissaq allakkallu tunngaviusumik uppersaattitalit

- Meeqqanut suli atualinngitsunut perorsaanikkut ineriartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-meersoq, kap. 4 aamma 5

Siusinnerusukkut aalajangiinerit

Meeqqanut Atuarfeqarnermullu Ataatsimiititaq, 08.12.21:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 20.12.21:

Inassuteqaat akuersissutigineqarpoq.

Ilanngussaq

1. Inatsisartut peqqussutaat nr. 10, 5. decembari 2008-meersoq, naqissuserneqartoq 24. septembari 2010 malillugu, nunaqarfinni misileraaneq pillugu aqqissuussinermut qinnuteqaat

Inissianik ineriartortitsinissaq, Ningitsivik, Nuuk

Pilersaarutitut qinnuteqaat / Inaarutaasumik akuersissutiginninneq

Aalajangiiffigisassaq

Suliap ilisarnaataa: EMN-2021-11610

Sanarfinermut Avatangiisinullu Ingerlatsivik – pisortaq Hans Ulrik Skifte / HUTS

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- pilersaarutitut qinnuteqaat, Nuummi Ningitsivimmi inissialiornissamik siunnersuut ingerlatsiviup oqaaseqaatai ilanngullugit akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsivimmit Berjaya Invest A/S-imit sanaartornissamik qinnuteqaat tiguneqarpoq, Nuummi Ningitsivimmi immikkoortup ilaani 4C3-mi inissianik 66-inik sanaartornissamik kissaateqarpoq.

Pilersaarut maanna sap.ak. 8-ni piffissami 20. septembarimiit 15. novembarimut 2021 tamanut tusarniutigineqareerpoq. Tusarniuteqarnerup ingerlanerani innuttaasunik paasissutissiineq illorput-mi ulloq 5. oktobarimi nal. 16.30 pivoq. Tassunga innuttaasut 15-it miss. takkuppet.

Piffissami tusarniaaffiusumi tusarniaanermut akissuteqaatinik tigusaqartoqanngilaq.

Pilersaarutip imarai, blokit pingasut sisamanik quleriillit, 56-inik inissiallit kiisalu illut qulit aneersuarfittallit imminnut atasut marlunnik quleriillit, pingasunut illunut agguataagaasut. Inissiat assigiinngisitaartuupput marlunnik initallit 57,6 m2, pingasunik initallit 67,5 m2 aamma sisamanik initallit 93,1 m2. Illut aneersuatarfillit tamarmik sisamanik initaqarput 171 m2-inik angissuseqarlutik.

Sanaartugaq immikkoortup ilaaniippoq ullumikkut meeqqeriveqarfinnut atugassiissutigineqarsimasumut. Taamaattorli meeqqeriviup inissisimanera qanittumut immikkoortup ilaanut, 4A7 Mitsimmavik, nuunneqarsimavoq, taamaalillunilu kommunimut pilersaarummut tapiliussaq nutaanngilivallaarsimavoq. Taamaalilluni pilersaarut, ilaqutariinnut inissianut tunngassuteqartoq, Qinngutta kujataatungaanut kommunip pingaarnertut pilersaarutaanut periusissiaanullu tulluaqqinnaarpoq.

Eqqaanut ataqatigiinnissaanut tunngasut suli naammassillugit ineriartortinneqanngillat. Pingaarnertut aqqutit pilersinneqareerput, sulilu immikkoortup qanittuani illuliortoqanngilaq. Taamaattumik maannakkut immikkoortup qanittuani sanaartornissamut pilersaarutaasut tunngavigalugit sanaartugassap eqqaanut ataqatigiinnersoq nalilersorneqarpoq.

Immikkoortut Nuummi noqqaassutigineqaqisunik pingaarnertut inissialiolfissatut eqiteriffigineqarsinnaanerit ingerlatsiviup ataatsimut isigalugu nalilerpaa. Ingerlatsivimmiilli pilersaarutitut siunnersuummut pingaaruteqartunik oqaaseqaateqarpoq, pilersaarullu akuersissutigineqassappat taakku kommunimut pilersaarummut tapiliussamik tulliani suliaqarnermi ilanngunneqassappat.

Ingerlatsiviup oqaaseqaatai:

- Sissaq sinerlugu aqqut pilersaarutaareersup ilaatut pilersinneqassaaq, taannalu immikkoortup ilaat 4A7-ip aamma 4A8-p akornatigoorpoq. Taamatuttaaq sanaartornissamut pilersaarutip aamma sissaq sinerlugu aqqutip akornatigut atassusiisoqassaaq
- Illoqannginnersat sanaartukkallu ilusaat suliarineqassapput sapinngisamik immikkoortumi nunap ilisarnaataanik atorluuanikkut attassinikkullu sapinngisamillu nunap allanngortinnaveersaerneratigut - matumani aamma illut toqqavii pukkilisinneqassapput
- Blokini majuartarfinni elevatorilersuisoqassaaq aamma pinnguarterfik tikikkuminarsarneqarnerussaaq
- Silataasa isikkussaat Kommuneqarfik Sermersuumit inaarutaasumik akuersissutigineqartussaavoq
- Sanaartornissamut siunnersuummi illut tamarmik quilersorneqassapput

Pilersaarusiornermut inatsit nutaaq, Inatsisartut inatsisaat nr. 34, 9, december 2015-imeersoq tunngavigalugu nunaminertamik inniminniinissaq qinnutigineqarpoq. Pilersaarusiornermut inatsisip allanngortinneqarnera Kalaallit Nunaanni Naalakkersuisunit Kommuniniillu inuussutissarsiornerup siuarsarusunneqarneranut ilaavoq, taamaaliornikkut aningaasaliinissaq ajornannginnerulissammat orniginarnerullunilu.

Pilersaarusiornermut inatsisip allanngornerata kingorna, nutaaq naapertorlugu, Pilersaarutit kommunimut pilersaarummut imaluunniit politikkikkut takorluukkanut naapertuutinnippata Kommunalbestyrelsimit qaqugukkulluunniit unitsinneqarsinnaasut eqqaamaneqassaaq.

Ingerlatsivimmit aningaasatigut sulisoqarnikkullu naliliinerit

Pilersaarummut qinnuteqaat kommunimut aningaasatigut kinguneqassanngilaq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivik suliamut aningaasaqarnermut tunngasunik oqaaseqaatissaqanngilaq.

Inatsisitigut tunngavissaq allakkallu tunngaviusumik uppersaataatillit

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 13.01.22:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititaq, 03.02.22:

Inassuteqaat akuersissutigineqarpoq.

Ilanngussat

1. Sanaartornissamut qinnuteqaat
2. Inatsisartut inatsisaat nr. 34, 9. december 2015-imeersoq
3. Misissugassatut allattorsimaffik Sanarfinermut Avatangiisinullu Ingerlatsivimmit suliarineqarpoq
4. Naliliinissamut allattorsimaffik Sanarfinermut Avatangiisinullu Ingerlatsivimmit suliarineqarpoq

Qeqertarsuatsiaani aalisakkanut fabrikkiliornissaq

Aalajangiiffigisassaq

SagsID.: BOG-2021-03401-003

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- qinnuteqaatigineqartoq itigartitsissutigineqassasoq §32 malillugu inerteqquteqarnikkut
- §32 maillugu inerteqquteqarnikkut nutaamik kommunimut pilersaarummut tapiliussamik, inuussutissarsiortut, pisortat innuttaasullu soqutigisaannik periarfissalimmik suliaqartoqassasoq akuersissutigineqassasoq

Suliassamik saqqummiussineq

Sanarfinermut Avatangiisinullu Ingerlatsivik matumani Qeqertarsuatsiaani aalisakkanut fabrikkiliornissaq pillugu suliassamik saqqummiussivoq. Suliaq Sanarfinermut Avatangiisinullu ataatsimiititap ulloq 18. juuni 2021-mi ataatsimiinnerani saqqummiunneqarpoq, tassani Qeqertarsuatsiaani aalisakkeriviliornissaq pillugu qinnuteqaat itigartitsissutigineqassasoq aalajangerneqarpoq. Nunaminertamik atugassiinissaq nunaminertanut oqartussaqaarfimmit itigartitsissutigineqarpoq, tamnnalu kingorna qinnuteqartumit naammagittaalliutigineqarpoq. Naammagittaalliutigineqartoq suliarineqarpoq naammagittaalliutigineqartorlu akuerineqarpoq nunaminertanut oqartussaqaarfiup aalajangiinera nutaamik suliarineqartussanngorlugu. Taamaattumik suliaq Sanarfinermut Avatangiisinullu ataatsimiititamut saqqummiuteqqinneqarpoq.

Novembari 2018-imi Greenland Fish & Offshore ApS Qeqertarsuatsiaani aalisakkanut fabrikkiliornissamik qinnuteqarpoq, qinnuteqaatilli imarisai amigaateqarmata suliarineqarsinnaasimanngilaq.

Tamatuma kingorna suliffeqarfik kommunimit aningaasatigut tapersersorneqarnissamik qinnuteqarpoq tamannalu apriliip 21-ani 2020-mi Aningaasaqarnermut Inuussutissarsiornermullu Ataatsimiititap ataatsimiinnerani suliarineqarpoq. Qinnuteqaat inatsisinut atuuttunut innersuussutitalimmik itigartitsissutigineqarpoq.

Suliffeqarfik nutaamik, Nuunnguaq Seafood IVS-imik atserluni nutaamillu CVR-nr.-lerluni nunaminertamik atugassinneqarnissamik qinnuteqaqqissimavoq. Aalisakkanut fabrikkip Pilersuisup kimmuk kujatikanniani, Pilersuisup gassinik toqqorsiviuteqarfiani sanaartorneqarnissaa kissaatigineqarpoq, taamaattumillu pilersaarutip piviusunngortinneqarnissaanut gassinik toqqorsiviup nuunneqarnissaa pillugu Nuunnguaq Seafood IVS-ip KNI-mik isumaqatigiissusiornissaa piumasaqaataavoq, ilanngussaq 1.

B-157-ip eriagisassatut aalajangiunneqarsimanera ingerlatsiviup ilisimaarivaa qinnuteqartorlu tamatuminnga ilisimatissimallugu Kommunalbestyrelsillu tamatuma atorunnaarsinneqarsinnaanera aalajangiiffigisinnaavaa. Taamaattumik qinnuteqartup qinnuteqaammini illuliormi malittarisassat naapertorlugit B-157-imut ataqqinnittumik ungasissuseqarnissaq malissimavaa.

Kommunimut pilersaarummi Qeqertarsuatsiaanut sukumiisumik aalajangersaasoqarsimanngimmat, ingerlatsiviup qinnuteqaat Nunaqarfimmi aqutsisunut tamanullu tusarniaassutigineqartussanngorlugu ingerlateqqippaa. Tusarniaanermut akissutinik katillugit marlunnik tiguisoqarpoq, taakkunani aappaa nunaqarfimmi aqutsisuninngaaneerpoq taakkulu

aalisakkanik fabrikkiliornissaq kissaatiginngilaat, ilanngussaq 2. B-157-ip eriagisassatut inissisimanera pillugu suliamik ingerlasoqarpoq, Nunaqarfimmilu aqutsisut tamatuma qulaajarneqaqqaarnissaa kissaatigaat. B-157 aalisakkanik fabrikkiliassatut qinnutigineqartup sanianiippoq.

Tusarniaanermut akissutip aappaa peqatigiiffik Nuunnguaminngaanneersuuvog, taakkulu qinnuteqartumut tatigininnatik allapput, aammalu najukkami aalisartut qinnuteqartumit sianiinaarneqarsimasutut misiginertik pissutigalugu aalisakkanik fabrikkissamut tapersersuinngitsut paasissutissiillutik, ilanngussaq 3.

Tusarniaanermut akissutigineqartut suliamut nutaamik ilassusiinngillat, pilersaarusiorneq pillugu inatsit atuuttoq malillugu qinnutigineqartumut nunaminertamik atugassiinissaq aporfissaqarmat.

Ataatsimiititamit aalajangerneqarsinnaavoq immikkoortumi qinnutigineqartumi ineriartortitsineq, aalajangersagaareersut pingaernerit periarfissaqartitsineri tunngavigalugit allannguinnissamik, § 32 naapertorlugu inerteqquteqarnikkut. Taamaaliornikkut immikkoortup qinnutigineqartup allanngortinneqarnissa pinngitsoortinneqarsinnaavoq, ukiup ataatsip iluani sukumiisumik aalajangersakkat suliarineqarnerini.

Aalisakkanik fabrikkil najukkami tunngavissinneqarluni tapersersorneqaruni Qeqertarsuatsiaanik pitsanngorsaaqataasinnaasoq, Ingerlatsivik naliliivoq.

Ingerlatsivimmit aningaasatigut sulisoqarnikkullu naliliinerit

Qinnuteqartup sanaartorfissagissaanissaq, gassinik toqqorsiviup pioreersup nuunnissaa allallu nammineerluni isumagisussaassammagit, aalisakkanut fabrikkimik sanaartornissaq kommunimut aningaasaqarnikkut sulisoqarnikkullu kinguneqassanngilaq.

§ 32 naapertorlugu inerteqquteqarnissaq toqqarneqassappat, tamanna nukissanik, immikkoortoq pillugu sukumiisunik aalajangersakkanik suliaqarnermik, kinguneqassaaq.

Suliffeqarfinnut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaartatallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17 november 2010-imeersoq
- Pilersaarusiorneq aamma nunaminertat atorineqartarnerat pillugit Inatsisartut inatsisaata allanngortinneqarneranik Inatsisartut inatsisaat nr. 34, 9. december 2015 (Nuna tamakkerlugu pilersaarusiornermut nalunaarusiaq, nunaminertanik inniminniisarneq, atuisinnaanermut killigititamik sivitsuisinnaanermut periarfissaq, utaqqisunik allattorsimaffiup saqqummiunneqarnissaa, pilersaarusiornermut- nunaminertamillu atuisinnaanermut atatillugu naammagittaalliortarfiup allallu atorunnaarsinneqarnissaa.)

Siusinnerusukkut aalajangiinerit

Sanarfinermut Avatangiisinullu Ataatsimiititaq, 13.01.22:

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Qeqertarsuatsiaani sumiiffimmi qinnuteqarfiusumi aalisakkanut fabrikkiliornissaq akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Inassuteqaat imatut oqaaseqaatitalerlugu itigartitsissutigineqarpoq:

Pilersaarummut inatsimmi §32 naapertorlugu inerteqquteqartoqarpoq. Allaffissornermit ukiup ataatsip ingerlanerani nutaamik kommunimut pilersaarummut tapiliussaq, inuussutissarsiortut, pisortat innuttaasullu soqutigisaannik imalik, suliarineqassaaq.

Aningaasaqarnermut Inuussutissarsiornermullu Ataatsimiititaq, 03.02.22:

Inassuteqaat akuersissutigineqarpoq.

Ilanngussaq

1. Nunap assinga ilanngussaq
2. Tusarniaanermut akissuteqaat Nunaqarfimmi aqutsisut
3. Tusarniaanermut akissuteqaat Peqatigiiffik Nuunnguaq
4. Tusarniaanermi saqqummiunneqartut
5. Naammagittaaliuteqarneq pillugu suliamik aalajangiineq
6. Aalajangersakkat pingaarnerit pioreersut



Kommunimut pilersaarummut tapiliussap 3A8-4 liminaq, Nuuk inaarutaasumik aalajangiiffineqarnera

Aalajangiiffigisassaq

SagsID.: ANL-2020-00020

Sanarfinermut Avatangiisinullu Ingerlatsivik - pisortaq Hans Ulrik Skifte / HUTS

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- kommunimut pilersaarummut tapiliussap 3A8-4, liminaq, Nuuk, inissianut sanaartorfissiat 6-it ilanngunnagit, akuerineqassasoq

Suliassamik saqqummiussineq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 3A8-4 liminaq, Nuuk matumuuna saqqummiuppaa.

Kommunimut pilersaarummut tapiliussap 3A8-4 sapaatip-akunnerini arfineq-pingasuni, piffissami 7. juuni - 1. septembari 2021-p tungaanut tamanut tusarniaassutigineqarpoq. Tusarniaassutiginerani tusarniummut akissutit 14-it immikkoortut assigiinngitsunik 62-init tiguneqarput, taakkulu tunngaviusumik ataatsimik aammalu oqaaseqatigiinnik annikitsunik allannguuteqartitsinermik kinguneqarput. Sanaartorfissanik ataasiakkaanik annikitsumik nikisitsisoqarnera tunngaviusumik allannguutaavoq taamaalinikkullu akerlilissutit tunniunneqartut malinneqarput.

Kommunimut pilersaarummut tapiliussami 3A8-4 liminaq uani sanaartorfissat arfineq-marluk inissianut arfinilinnut najugaqarfimmullu ataatsimut atugassiaapput. Inissiat issittumi ilaqutariinnut illut nukissiuutinik atuinikitsut maligassatut assersuutissaqqissuussapput aammalu allanut neriuartumik isumassarsititsisuussallutik.

Kommunimut pilersaarummut tapiliussakkut ugguuna periarfissaatinneqarpoq, immikkoortup ilaa 3A8 liminaq annertusineqarnissaa aamma:

- Nutaamik **immikkuualuttumik E-mik** atugassanngortitsisoqassasoq, tassa sumiiffimmi avannamut kitaatungaani. Tassunga immikkoortinneqassapput sanaartorfissat katillugit arfinillit nutaat ilaqutariit illuinik nukissiuutinik atuinikitsunik sanaartorfiusussat. Sanaartorfissat kangimut ilaqutariinnut ataatsinut illuliorfissap ilassutaatut atugassanngortinneqassapput, taakkulu aqqusinnermit liminamit matoqqasumik aqquteqartinneqassapput. Inissiat akuttussusiligaanerisa nunallu immap tungaanut sivingarnata sumiiffimmi inissiat ungataaniittut isikkiviginnissaat qulakkiissavaa.
- **Immikkuualuttoq E** kujammut kangiatungaani sanaartorfissamik ataatsimik najugaqarfimmik nutaamik sanaartornissamut ilaneqassasoq.
- **Immikkuualuttoq C-mi** inissianut sanileriaanut pioreersunut ataasiakkaatigut uiguinissamik naqqullu ataanik, qaliarpaamik quitullu atuilernissamik periarfissiisumik atugassanngortitsisoqassasoq.

- liminami aqqusineq sumiiffimmi inissiaqarfiup tungaanut aqquteqartilerlugu allangortinneqassasoq, taamaalilluni sukanerpaaffissaq 15 km/t-imut appartinneqarluni, tassuunakkut pisuinnaat meeqqallu pinnguurtut isumannaannerutinniarlugit.

Kommunimut pilersaarummut tapiliussaq una aqqutigalugu liminami inissialiassat nukissiuutinik atuinikitsut sumiiffimmut ersarissumik attuumassuteqassapput, illuliortaaserlu atorneqartussaq piujuartitsisumik inuunermut pitsaasumut attuumassuteqartitsilissalluni. Inissiani nukissiuutinik isumalluutinillu atuinikinnerulernissaq qitiutinneqassapput. Atortut silaannaap pisussaanut naleqquttuussapput illullu iluani silaannarmik pitsaasumik pitsersitsissallutik. Tullinnguullugu tamakkiisumik aningaasaqarnikkut akilersinnaassuseq sivisuumik attassinnaasunik toqqaanissamut aalajangeeqataassaaq. Inissiat nutaat najugaqarfiillu nutaat taamaalillutik pitsaassusissamik uuttuinnermi aamma sanaartormik piujuartitsinermik tunngaveqartumik eqqortitsinissaq torarneqassaaq:

- Avatangiisit eqqarsaatigalugit pitsaassuseq
- Inuuniarnermut tunngasuni pitsaassuseq
- Aningaasaqarneq eqqarsaatigalugu pitsaassuseq

Inissialiassat nukissiuutinik isumalluutinillu tamakkiisup annertunersaanik atuinikiffiunissaat eqqarsaatigilluagaassaaq. Taamaattumik sanaartugassat silaannaap pissusiinut avatangiisinullu tunngasunik unammilligassanut atuuttunut naammassinninnissamut piujuartitsisumik ineriartortinneqarnissaat pingaaruteqarlunnartuuvuq. Inissialiassat inuiaqatigiinnut tamanut pingaaruteqartuussapput illuliallu pitsaassusiat inuttut inooqatigiinnermut peqqissutsimullu aalajangiisuulluinnassallutik. Illut tamatigut sivisuumik atasinnaasarput, imaappoq ullumikkut toqqagassatut toqqakkavut sivisuumik atasinnaangornikuupput. Kommuneqarfik Sermersooq piujuartitsinermik tunngavilimmik sanaartornissamut suli nammineq periusissiuunngilaq, taamaattorli illoqarfiit pingaarnersaannut periusissiami erseqqissaatigineqarlutik kommunimi illuliortaatsimut politikki aamma Nunarsuaq tamakkerlugu anguniagassanut periusissiaq.

Naalagaaffiit Peqatigiit nunarsuaq tamakkerlugu anguniagaat



ANGUNIAGAQ 11: Illoqarfiit najukkamilu inuiaqatigiit piujuartitsisut -

Pilersaarummut tapiliussap illuliortaatsip qajannaatsup init inissaqarlutut akunnilersorluarsimasullu, piffissap ingerlanerani atortuarneqarsinnaasut ineriartormullu malinnaasut neqeroorutigineqarsinnaanissaat qulakkiissavaa.

- Pilersaarummut tapiliussakkut qulakkeerneqassaaq, kikkut tamat isumannaatsumik angallassinnaajuarnissaat illoqarfimmilu sukisaarsaarfissaqqissuni atuisinnaanissaat.



ANGUNIAGAQ 12: Akisussaassusilimmik atuneq nioqqutissiornerlu-

Pilersaarummut tapiliussap sanaartukkat patajaatsunik, nungullariartoratik piffissap ingerlanerani kusatsikkiartortartunik, sananeqarnissaat qulakkiissavaa.

Ingerlatsivimmit aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq illoqarfimmi pilersaarusiortumut ataatsimut ukioq naallugu suliffiit 1/10 pisariaqartinneqassasut nalilerneqarpoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitallit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Kommunimut pilersaarut digitaliusoq www.kp.sermersooq.gl

Siusinnerusukkut aalajangiinerit

Sanarfinermut Avatangiisinullu Ataatsimiititaq, 25.11.21:

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliussaq 3A8-4 liminaq, Nuuk akuerineqassasoq
- suliaq Aningaasaqarnermut Inuussutissarsiornermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Sanaartorfissat arfinillit pillugit inassuteqaat amerlanerussuteqartunit (IA) itigartitsissutigineqarpoq, sanaartorfissaq ataaseq najugaqatigiiffiliorfissaq akueralugu.

Ikinnerussuteqartut (D aamma S) inassuteqaatit akuersissutigaa.

Aningaasaqarnermut Inuussutissarsiornermullu Ataatsimiititaq, 20.12.21:

Inassuteqaatini siulleg amerlanerussuteqartunit akuersissutigineqarpoq, suliarlu inaarutaasumik Kommunalbestyrelsimut akuerisassanngorlugu ingerlateqqinneqarluni.

Siumumit aammalu Demokraatinit ikinnerussuteqartut oqaaseqaat: Inassuteqaatini siulleg itigartitsissutigineqarpoq.

Ilanngussaq

1. 1_Tusarniaatitsinermut akissummik suliaqarneq
2. 2_Tusarniaanermut akissutit tiguneqartut
3. 3_Kommunimut pilersaarummut tapiliussaq 3A8-4 liminaq, Nuuk

**Suliassaqarfinnik allanngortiterinissaq aammalu kommunip
politikkikkut pingaartitaanik sukannernerulersitsinissaq siunertaralugu
Sanarfinermut Avatangiisinullu Ataatsimiititap suliassaasa
ilaneqarnissaanut siunnersuut**

Kommunalbestyrelsimut ilaasortap Juaaka Lyberth (IA) aamma Charlotte Ludvigsen (IA)
Kommunalbestyrelsimut siunnersuutaa

Aalajangiiffigisassaq

SagsID.: EMN-2022-01391

Koncernservice - vicekommunaldirektør Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap
ingerlateqqinneqarnissaa aalajangiiffigineqassasoq

Suliamik saqqummiussineq

Kommunalbestyrelsi ilaasortat Juaaka Lyberth (IA) aamma Charlotte Ludvigsen (IA) 8. februaarip
Kommunalbestyrelsimut aalajangiiffigisassatut siunnersuut nassiuppaat. Juaaka Lyberth aamma
Charlotte Ludvigsen kissaatigaat, Suliassaqarfinnik allanngortiterinissaq aammalu kommunip
politikkikkut pingaartitaanik sukannernerulersitsinissaq siunertaralugu Sanarfinermut
Avatangiisinullu Ataatsimiititap suliassaasa ilaneqarnissaanut siunnersuut Kommunalbestyrelsip
eqqartussagaa.

Tunngavilersuut:

*"Maanna kommunalbestyrelse ukiup ataatsip missaani sulereersimalerpoq. Angusaqartoqarlunilu
atorluarsinnaasunik ilikkagaqarfioerpoq, tamakkulu annertunngitsumik suliassaqarfinnik
allanngortiterinermik kinguneqarsinnaalerput, kommunalbestyrelsip ataatsimiitillu ataavartut
suliaat sakkortusiniarlugit.*

*Isumaqarpugut ukioq ataaseq piffissaalluartoq, suut tamaasa qanoq iliorluni
pitsaanerulersinnissaannut, nutaaliaanerunissaannut ilinniarfigalugit, pisariaqarfiisigullu
pingaarnersiorlugit.*

*Kommunit aqunneqarnerat pillugu Inatsisartut inatsisaanni nr. 29, 17. novembar 2017-imeersumi
paragraf 26-miit 29-mut allassimaneratuut, kommunalbestyrelse ataatsimiititanik ataavartunik
pilersitsisinnaatitaavoq, taakkualu suliassaqarfiinik aalajangersaalluni. Taamaattumik
isumaqarpugut maannakkut taamatut iluarsiinissamut piffissanngortoq.*

Kommunalbestyrelsimi sulinerup pitsanngorsarneqarnissaanut pingasunik siunnersuuteqarpugut."

Siunertaq:

" 1. Pitsaaliuineq Meeqqanut Atuarfeqarnermullu Ingerlatsivimmut inissinneqassaaq.

*Pitsaaliuineranut tunngasunik suliaqarnerup suliffeqarfinnut atuarfinnullu sapinngisamik meeqqanut
qanittumut inisissimanissaa siunnersuutigaarput. Ilisimasarpassuit paasinarsisippaat, meeqqat
piffissamik atuineraaaffigisartagaanni sapinngisamik qanimut suleqatigiinnikkut pitsaanerpaamik
pitsaaliuisoqarsinnaasoq. Aamma taamaaliornikkut sulisut pitsaaliuineramullu immikkoortortap,
perorsaasullu, meeqqat ulluinnarni sullissisorisartagaasa akornanni suleriaaseq
pissusissamisoortumik sivikinnerulissaaq. Suleriaatsit tamakku maannakkut*

pitsanngorsaavigineqalereerput, sulinerlu tamanna soorunami nangeqqinneqassaaq, aammalu suliaasaqarfiup Meeqqanut Atuarfeqarnermullu Ataatsimiititamut nuutinneratigut politikikkut malitseqartinneqassalluni. Qinersereernerup kingornagut suleqatigiinnissamut isumaqatigiissuteqarnermiilli pitsaaliuinerup pingaartinneqarnerpaanngortinnissaata ukkatarineqarnissaa toqqarparput. Pitsaaliuinnermut tunngasunik aningaasaliissuteqarnikkut kingusinnerusukkut isumaginninnermut ajornartorsiutinut atugassanngortussanut aningaasartuutissaralutut sipaakkat quleriaammik utertarnerat suut tamarmik paasinarsisereerpaat. Taamaammat suliaasaqarfiup tamassuma suli pingaartinneqarnissaanut marloriaammik tunngavissaqalersinneqarpugut. Inuttut tunngavilersuutigineqartarpoq meeqqat toqqissisimananngitsumik sakkortuunillu nalaataqartatut ikinnerulissasut, aammalu aningaasaaqarnikkut tunngavilersuutigineqartarluni, tamanna aaqqiissutissatut pitsaanerpaajussasq aningaasanillu atorluanaanerpaajulluni.

2. Sanarfinermut Avatangiisinullu Ataatsimiititap aalisarnermut piniarnermullu tunngasutigut pitsanngorsarneqarnera ilaasortanillu marlunnik ilaneqarnera

Aalisarneq piniarnerlu Nunatsinni inuussutissarsiutini pingaarnersaapput, ukiunilu amerlasuuni suli taamaassalluni. Inuussutissarsiutaapput nuna tamakkerlugu aningaasaqarnermut aammali ilaqutariippassuit aalisarnermik piniarnermillu attuumassuteqartunut aningaasaqarnerannut pingaarutilerujussuit. Kilisaammuiuppata, umiatsiaararsortuuppata aalisakkanik tunisassiorfimmi sulisuuppata pitsaasumik atugassaqaartinneqarnissaat qulakkeerinninnissarput pingaaruteqarpoq. Aalisarnerup piniarnerullu aningaasaqarnikkut pingaaruteqarnerisa saniatigut kulturikkut annertuumik pingaaruteqarput. Inuussutissarsiutaapput inuiaqatigiinnitsinnut ilisarnaataasut, qangaanerumut kulturimullu kingornussatsinnut atassusiititsisut. Taakkulu sapinngisatsinnik aallutiinnartariaqarpavut. Siunnersuutigissavarput, aalisarnermut piniarnermullu tunngasut Sanarfinermut Avatangiisinullu Ataatsimiititap ataaniilissasut. Taamaaliussaagut suliaasaqarfik umiarsualiveqarneq, atortulersuuteqarneq, immikkoortuni pilersaarusiorneq akuersissutinillu allaffissornermi suliaqarneq eqqarsaatigalugit sapinngisamik qaninnerpaamiitinniarlugu. Nunatsinni inuussutissarsiornermi iluatsilluartoqassappat atugassarititaasut pingaaruteqarluinnarmata, taamaattumillu isumaqarpugut tamakkununga tunngasunut aqqut sapinngisamik naannerpaatinneqartariaqartoq. Taamaaliornikkut aalisarnerup piniarnerullu eqqartorneqarnerini sanaartornermut avatangiisinullu tunngasunut. ilaatinneqarsinnaalissasut, taamatullu umiarsualiveqarnermi atortulersuuteqarnermilu sanaartugassanut aalisarnermut piniarnermullu tunngasut ilaatinneqassallutik.

Aalisarnermut piniarnermullu tunngasut ilanngunneqarnerisigut Sanarfinermut Avatangiisinullu Ataatsimiititami akisussaaffiit suliaassallu annertunerulissapput. Tamatumalu saniatigut ataatsimiititaq taannarpiaq ukiuni aggersuni aamma maluginiarnartunik pingaarutilinnik pilersaaruterpaalunnik suliaasaqarpoq. Assersuuteqalaassagutta, Nuuk angallannermi qullilersuutitigut allanngortiteriffigineqassaaq, Ittoqqortoormiini inissianik nutarterisoqassaaq, Siorarsiorfimmi pilersaarutip immikkoortuanut tulluuttumut ikaarsaartoqassaaq, Tasiilami kuuffeqarnikkut annertusaasoqaqqittoqassaaq aamma umiarsualivik pitsanngorsaavigineqassaaq, Paamiuni pisortat sanaartornermi pilersaarutaat annertuut aningaasaliiffigineqassapput, annertuunillu aningaasaliiffigisassat pingaarutilinni taaneqarsinnaasut suli ilaqaraluarput. Taamaammat Sanarfinermut Avatangiisinullu Ataatsimiititap ilaasortanik marlunnik amerlineqarnissaa siunnersuutigaarput. Taamatut siunnersuuteqarpugut, ataatsimiititami tassani siunissami suliaasatigut annertuumik tatineqarfiusussaammat. Isumaqarpugut, suliaasaqarfiup pingaaruteqarnera ataqqillugu suliaasat amerlanerusunit suliarineqarnissaat pisariaqartoq, kommunalbestyrelsimilu ilaasortat politikkeritut sulinermi saniatigut suliffeqarnerat ilaqutaqarnerallu eqqarsaatigalugit.

3. *Innarluutilinnut tunngasut ataatsimoortunngortillugit saaffiginniffissarlu ataasiinnangortinniarneqarnera piviusunngortillugu*

Kalaallit Nunaanni innarluutilinnut tunngasutigit pikkoriffiginnginnatsigit ajoraluartumik isornaannartumik kinguaattooqqasoqarpoq. Innarluutillit illersuisuat arlaleriaqaluni suaartaateqartarpoq, kommuninullu oqariatuuteqartarluni innarluutilinnut tunngasut ukkatarinerulissagivut. Silapiluttarnera nunallu isorartunersua unammilleruminaatsut ilagaat, aammali suliaasaqarfiup politikkikkut missukutaasarnera amerlasuutigit patsisaasarpoq. Tamanna pillugu innarluutilinnut tunngasuni ataasiinnarmik saaffissaqalernissaq ukiut marlussuit matuma siorna suliniutigilerparput. Suliaq taanna siumukarujoorpoq, innuttaasullu innarluutillip kommunimut pisariinnerusumik pilertornerusumillu saaffiginnessinnaanissaanut qulakkeerinninnissamut iluaqutaassaaq. Taamaammat siunnersuutigaarput, alloriarnissamut tulliuttumut alloriartariaqartugut, innarluutilinnullu tunngasut allaffissornikkut politikkikkullu Suliffeqarnermut Isumaginninnermullu Ingerlatsiviup ataani ataatsimoortinneqassasut. Taamaaliornitsigut suliniuteqarnissaq annertunerujussuarmik aallussinnaangussavarput, marloqiusamik ingerlatsineq annikillissavarput aamma politikkikkut ersarinnerusumik pitsanngorsaalluarnikkut aalajangiiffisassat pitsaanerulersinneqassapput ataatsimiititalarlu ilisimasaqarnerulissalluni. Taamaaliornikkut naqissuserusupparput, innarluutilinnut tunngasuni maannakkut inissisimanerput naammaginnginnatsigu akisussaaffipullu pimoorullugu. Innuttaasunik tamanik ataqqinnippaluttumik iluamillu pinnittarnissarput qulakkiissavarput, pisinnaasakinnerusullu ikiorniarlugit iliuuseqarnerusariaqarluta.”

Ingerlatsivimmit aningaasatigit sulisoqarnikkullu naliliinerit

Suliffeqarfimmut Kiffartuussiviup Kommuneqarfik Sermersuumi Kommunalbestyrelsimut Aqutsinermi Ilegqoreqqusaq innersuussutigaa.

Suliffeqarfimmut Kiffartuussivimmit aningaasatigit naliliineq

Pisariaqanngilaq.

Inatsisitigit tunngavissaq allakkallu tunngaviusumik uppersaattitalit

- Kommunit aqunneqarnerat pillugu Inatsisartut inatsisaat nr, 29, 17, november 2017-imeersoq:
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussisinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigit aalajangersakkat qaqugukkulluunniit malinneqartussaattitaasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaasangortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffisassatut siunnersuutaagaangat atuutissaaq

Ilanngussaq

Soqanngilaq.

Innarluutillit inissaannik sanasoqarnissaa siunnersuut

Kommunalbestyrelsimut ilaasortap Mala Høy Kúkop (S) Kommunalbestyrelsimut siunnersuutaa

Aalajangiiffisassaq

SagsID.: EMN-2022-01389

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

Suliamik saqqummiussineq

Kommunalbestyrelsimut ilaasortap Mala Høy Kúkop (S) februaarip ulluisa aappaanni 2022

Kommunalbestyrelsimut aalajangiiffisassatut siunnersuut nassiuppaa. Mala Høy Kúkop

kissaatigaa, Kommunalbestyrelsip eqqartussagaa, Innarluutillit inissaannik sanasoqarnissaa periarfissaqarnersoq.

Tunngavilersuut:

"Tasiilami innarluutillit najugaqartut pulaarnikuuakka ineqarfiat alakkarlugu. Oqaatigissuara assut tupallunga pulaarnerma nalaani. Tassa Tasiilap illoqarfiata qeqqani inissisimasumi etagehusemi inissisimasuupput. Inigisaat innarluutilinnut tulluanngilluinnartuupput. Innarluutillit tassani ineqartut køræstolinik atortulerlutik pipput pisunniarnerminnik annertuumik ajoquteqarmata.

Taamaakkaluatoq inigisaasa atortuutigisaat tulluarsagaanngingaarmat ullut tamakkiivillugit imminnut ilungersorterujussuarlutik imminnut sullinniarsarerujoortarput. Tassani igaffimmi skabet inunnut nalininnaasuusunut atugassasut sanaajummata. Iserterfiat kaassuartaatinut tulluanngittorujussuupput aniniarnerminni iserniarnerminnillu ilungersorujussuaqqaarlutik nukippassuit atoqqaarlugit iserlutillu anisinnaasarput. Sillimaniarnej eqqarsaatigalugu inissiaq assersuutigalugu ikuallannermik nalaanneqaraluarpat inuunerminnik annanniarnissaminnik periarfissaqanngiivillutillu qimaariarfissaqanngitsutut isikkoqarput. Aappaata inaani igalaakkut annanniassalluni qimaariarfissaqanngilaq, tassa majuartarfeqanngilarluunniit qimaaffissatut isumalluutigisinnaasaminik. Aappaa oqaluttuarpoq: "ataasarlunga majuartarfikkut ammukarlunga pisuppiarsinnannginnama nakkakattarpunga makinneq sapiliivikkama anniangaarama nipissara tamaat suaartarlunga sivisoorujussuarmik utaqqerujussuaqqaarlunga aatsaat ikioriartorneqarpunga. Taamaniminngaaniit niumma aapaa ajornerulernikuuvooq. Tamaammat neriuppunga kommunimut ilaasortat paasinnittutik siunnersuummut tapersiijumaartut."

Mala Høy Kúkop siunnersuutigaa Budget-ip sammineqarnissanut siunnersuut ilanngunneqassasoq taamatuttaaq Mala Høy Kúkop allagaqarpoq: *"Kingullermik bugettilerineri sinneqartoortussaalluta kommunalbestyrelse tamakkiisumi isumaqataaffigineqarluni aalajangersaasoqarnikuuvooq. Tassanngaaniit aningaasalersorneqarnissaa isumagineqarsinnaasoraara."*

Kommunalbestyrelsip aalajangernera Aqutsisoqatigiit Allatseqarfianit allaffissornikkut suliarineqassaaq.

Ingerlatsivimmit aningaasatigut sulisoqarnikkullu naliliinerit

Allannguissamat, pingaarnersiuiinissamat imaluunniit pitsanngorsaaniissamat

pisariaqartitsisoqarnersoq qulaajaasoqassamat pissutsit naliliiffigalugillu kumaarneqarnissaat pingaaruteqarpoq. Siunnersuut taamaalilluni 2023-miit 2026-mut missingersuutit pillugit isumaqatigiinniarnermut atatillugu politikikkut kissaatigineqassappat pingaarnersiukkanut ilanngunneqarsinnaavoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Kommunit aqunneqarnerat pillugu Inatsisartut inatsisaat nr, 29, 17, november 2017-imeersoq:
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kialuunniit kommunip susassaarfii pillugit kommunalbestyrelsimut suliaassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliaq suliaqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussaq

Soqanngilaq

Tasiilap nunaqarfigisaanni illut imermik kuuffissaqalernissaannik pilersaarusiortoqarnissaanik siunnersuut

Kommunalbestyrelsimut ilaasortap Mala Høy Kúkop (S) Kommunalbestyrelsimut siunnersuutaa

Aalajangiiffigisassaq

SagsID.: EMN-2022-01363

Suliffeqarfimmut Kiffartuussivik - vicekommunaldirektøri Marie Fleischer / MAFL

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- siunnersuut Kommunalbestyrelsimi oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

Suliamik saqqummiussineq

Kommunalbestyrelsimut ilaasortap Mala Høy Kúko-p (S) februaarip ulluisa aappaanni 2022 Kommunalbestyrelsimut aalajangiiffigisassatut siunnersuut nassiuppaa. Mala Høy Kúko-p kissaatigaa, Tasiilap nunaqarfigisaanni illut imermik kuuffissaqalernissaannik pilersaarusiortoqarnissaanik siunnersuut Kommunalbestyrelsip eqqartussagaa.

Tunngavilersuut:

"Tamatta ukioq 2030 peqqinnerulernissatsinnik anguniagaqassalluta aalajangernikuuvugut. Taamatut aalajangerneq aamma imermik kuuginnartoqarnissaanik malitseqarnissaa sulissutigisariaqarparput politikkeriusugut tamatta. Imeq kuuginnartoq imeqarfimminngaaniit pissarsiarineqartartoq innuttaasugut tamanut pissarsiarinissaa pingaartittariaqarparput. Imeq kuuginnartoq peqqinnermut assigiinngitsorpassuarnik oqaatigineqarsinnaavoq. Aamma illoqarfinni anginerni kiisalu aamma hotelimi pineqarsinnaasarnera nalinginnaasuvoq. Inuimmi ullaakkut unnukkulluunniit uffarnissartik pingaartitarisarpaat. Illullu ilua eqqiluitsoq aamma imermik kuuginnartuminngaaniit pissarsiarineqaraangat pitsaasumik tamanut kinguneqartitsisarpoq. Napparsimassutigineqarsinnaasut inummut inuk eqqiluisarneratigut pinngitsoorneqartartoq nalunngilarput. Taamaammat piffissanngorpoq uagut kommunitut nunaqarfittatta aamma imermik kuuginnartumik pissarsisinnaanissaannik pilersaarusiornissamik suliaqarnissaq sulissutigissallugu. Innuttat meerartat peqqinnerulernissaat eqqarsaatigalugu. Taamatut tunngavilersorluna neriuppunga kommunimut ilaasortat paasinnittutik siunnersuummut tapersijumaartut.

Mala Høy Kúkop siunnersuutigaa Budget-ip sammineqarnissanut siunnersuut ilanngunneqassasoq taamatuttaaq Mala Høy Kúkop allagaqarpoq: *"Kingullermik bugettilerineri sinneqartoortussaalluta kommunalbestyrelse tamakkiisumi isumaqataaffigineqarluni aalajangersaasoqarnikuuvog. Tassanngaaniit aningaasalersorneqarnissaa isumagineqarsinnaasoraara."*

Kommunalbestyrelsip aalajangernera Aqutsisoqatigiit Allatseqarfianit allaffissornikkut suliarineqassaaq.

Ingerlatsivimmit aningaasatigut sulisoqarnikkullu naliliinerit

Sanarfinermut Avatangiisinullu Ingerlatsiviup nalilerpaa, nunaqarfinni Tasiilaq tikillugu pisortat imermik ukioq kaajallallugu pilersuinerat aallaaviatigut Kalaallit Nunaanni pilersuisussatut isumaginittut, Nukissiorfiit, suliassarigaat. Aamma Nukissiorfiit tassaapput, nunaqarfiit eqqaanni tatsit imermik naammattumik atuisunut pilersuisinnaassuseqarnerannik ilisimasaqartussat.

Imermik pilersuineq Nukissiorfiit isumagisassarimmassuk siunnersuutigineqarpoq, allaffeqarfik Kommunalbestyrelsip suliakkiissuteqarnera naapertorlugu Nukissiorfinnut

saaffiginnissuteqassasoq tusarniarlugu, Nukissiorfiit Tasiilap nunaqarfiini ukioq kaajallallugu imermik pilersuinissamik pilersaaruteqarnersut.

Ilanngullugu ingerlatsiviup oqaatigissavaa, Tunumi ukioq kaajallallugu nunaqarfinnut erngup aqquaaasigut imermik pilersuisoqalissappat, pissusissamisuussasoq aamma imermut atornikumut aniaffissalerlugu kuuffilersuisoqarnissaa, taakkua marluk sanaartornikkut atortulersuinikkullu imminnut ataqatigiittussaanerat pissutigalugu.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Kommunit aqunneqarnerat pillugu Inatsisartut inatsisaat nr, 29, 17, november 2017-imeersoq:
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataitaasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsisinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliaq suliareqqinnissaa pillugu Kommunalbestyrelse ataatsimiinnermi aalajangiissaaq. Tamanna aamma suliaq aalajangiiffigisassatut siunnersuutaagaangat atuutissaaq.

Ilanngussaq

Soqanngilaq

